

شخابيط جن

اسم الكتاب: شخابيط جن

اسم المؤلف: عبد الله جلال - صفية رسلان

تدقيق لغوي: هاجر جابر

تصميم الغلاف: يوسف السيد

رقم الإيداع: ٢٠٢١/٢٢٥٧٨

الترقيم الدولي: ٩٧٨٩٧٧٦٩٣٧٠١٧

جميع الحقوق محفوظة للناشر ©

أى اقتباس أو تقليد أو إعادة طبع أو نشر دون موافقة كتابية يعرض صاحبه
للمسئلة القانونية والآراء واملادة الواردة.

وحقوق الملكية الفكرية بالكتاب خاصة بالكاتب فقط لا غير.



عبد الله جلال - صفية رسولان

شخایض جن

مقدمة

علينا دوماً أن نكون مؤمنين باللامرئيات وما وراء الطبيعة، لأنها بالفعل حدثت وما زالت مستمرة، ولكن هل مقوله نزار قباني "الحب شيء لو لم يكن موجوداً لأوجودناه"، تأثيراً حتى في عالم اللامرئيات؟

هل ذلك العالم درامي حقاً أم نحن من جلعناه كذلك؟
 اتبعني بروحك لا بخيالك، إلى دراما وحب وواقع ما وراء الطبيعة
 وعالم اللامرئيات.

سأجعلك تراه بنهاكتي الخاصة..
 يصطادني الموت أو لا أخضع، لست من الناظرة..
 عقلتي بحثاء تختنق لا تختلق ما بداخلك..
 علقت الشمس في فجاء الليل والأقمار شاهدة..
 يتلوني العبث تلو تلو الآخر
 في الماضي لا أراني، في القادم دائمًا حاضر
 لا تفهم ما بداخلي أو ترتل هفاحتني الساردة
 الموج مررت من أصابعي، انظر معي للعيون الكاحلة..
 صوب الأحلام أحمل الأوهام أتلقي كدمات
 -أصوات القاع تطاردني، البؤس على جثيتي حاملة..

والسماء تنظر لي تنتظر قرب موتي والنجوم ثاملة.. تجردوا من حرريتي والسيوف كاسحة..

التف حولي الموت لم يقربني لم أخشء وما كنت خائفاً..
سأدع العنان لجنيتي قودي جسدي أنا لست من الأذامرة..

* * * *

لن تتوقف نزاعتنا، سنظهر لنختفي، سنعود بك بالماضي ألفاً ونلقيك
للمستقبل ألفين، سنجرّد آدميتك ونحرر الملك الأعظم، لا ينتهي
ترحالنا، لا نعجز بتلك الدائرة، جميعنا ناظرة، أنت آخر الناظرين
للسماء.

- أنا حافظه الكلام ده.. انت مستغرب ليه؟ والله حفظاه، بس
ازاي؟ هو أنا كنت أعرفك قبل كده؟ ما تجاوببني يا أحمد!
أحمد:

- معرفش يا بلقيس، معرفش والله، أنا مشتت زيـك، بس كل اللي
متأكد منه إن هما عمرهم ما حبـونا نكون مع بعض أبداً.
سابها ومشي، وافتكر إن مهما أقنـعـها هـتفـضـلـ شـايـفةـ إنـ هوـ بـيـعـملـ كـدـهـ
عشـانـ يـسـتـغـلـهـ وـتـفـضـلـ جـنـبـهـ وـبـسـ.

فلاش باك

بلقيس بنت عادية شكلًا، شعرها أسود طويل نسبياً، بشرتها مختلطة بين الأبيض والأحمر، كانت عينها سودة جداً، وشبّه الجميع عينيها بعيون الرنة، بس كانت مش عاديّة في جاذبيتها، وبرغم كده كانت متواضعة جداً، ومش معنى إنها متواضعة كانت بتقبل بكل حاجة، كان ليها رأيها في اللي يدخل حياتها، وكانت عنيدة وكله كان شايفها شخصية غريبة، مش بتؤمن بعادات وتقاليد، وكانت الانتقادات طبعاً كتير - كعادة أي مجتمع شرقي - أما أحمد، مكانش أقل منها عناد، وطايشه بزيادة، الغريبة إن أحمد كان بعيد عن بلقيس بمسافة حوالي 4 ساعات سفر! فازاي أحمد وبلقيس اتقابلو وعرفوا بعض؟

بلقيس كانت من الناس اللي عمرها ما آمنت بالجن إطلاقاً، وكانت بتقول على كل حاجة خفة يد، زي حفلات المدرسة أيام زمان، ومحدش عارف أو بلقيس نفسها مش عارفة هل كانت بتوهم نفسها بکده خوف، ولا هي مقتنعة بکده فعلًا! بس الواضح إن بلقيس غيرت نظرتها للكل حاجة بعد اللي حصل معها.

في يوم بلقيس فتحت أكونت الإنستا عادي جداً، شافت إن حد عملها فولو، أكونت ولد شكله شيك جداً، فخدتها الفضول تعرف مين ده وشاف أكونتها ازاي! فقبلت الفولو، وعلى طول بعتلها رسالة ودخل

يتعرف عليها، كانت بترد على قد السؤال؛ عشان تبان تقيلة في نفسها طبعاً، وهي من جواها هتموت من الفضول، لاحظت إن الولد ده في كل صوره في خاتم في إيده شكله غريب أوي، والغريب أكتر إن مفيش ولا صورة من غيره، بمراحل عمره المختلفة!

استغرابها ده مخدش وقت أكتر من ساعة تفكير، وبعدها نسيت، يوم ورا يوم بدأ حسن يدخل في تفاصيل بلقيس، واحد الكلام الاتجاه عن الفوبيا، ولما سأله عنده فوبيا من إيه؟

ردت بلقيس:

- ولا حاجة!

قالها:

- متأكدة ولا حاجة! ولا فيران ولا صراصير، ولا نمل، ولا جن

وأشباح!

ردت:

- ولا جن وأشباح.

قالها:

- لأ ده على كده بقى نعملك اختبار.

ردت:

- وأنا قد التحدي، إمتى هنبدا؟

قالها

- دلوقي، هبعتلك حاجة، هتقفي في ركن جنب سريرك في
أوپتك تقريها بصوت عالي في الضلمة، ولو عملت كده يبقى
كسبتِ التحدي.
وفعلاً بلقيس نفذت اللي قاله بالحرف، وكان الوقت أتأخر فنامت.

* * * *

- انحناء جمِيعاً، حضر الخادم الأول لملك الجن المارد.
الملك:

- ها، عملت إيه؟
- متقلقش يا مولاي، خادمك الملقب بحسن، هيجبها لحد
عندك وهينهي حرب السنين الدموية اللي دامت بين الجن
المارد والجن الطيار.

* * * *

الساعة 2:00

في أحلام بلقيس:

- انتوا مين؟ وعاوزين مني إيه؟ هو أنا فين أصل؟
صوت عالٍ:
- لا أحد يسأل، نحن فقط من نسأل ونخطط ونقرر.

- أية، أنا جاية هنا ليه ولا إيه المطلوب مني؟

اتسحبت من رجلها لبحر أسود، حاولت تقاوم الغرق، لقت صورة مامتها بتبتسم ابتسامة غريبة، حاولت تسألهما أو تفهم، فجأة صورة مامتها اختفت، واتسحبت لمكان غريب، حست إنها بين الغيوم في السما، ولقت راجل عجوز موطي وساند راسه على عصاية خشب، وشعره أبيض، وقربت منه وفضلت تقوله:

- ممكـن طـيب اـنت تجاوبـني أنا هـنا ليـه، أو المـفروض أـعمل إـيه؟

رد الشـيخ بـصوت حـاد وـعالٍ:

- اـنت اللي قـررت تـدخلـي الطـريق دـه وـتلعـبي معـاهـمـ، اـتحـملـيـ عـواـقـبـ تـصـرـفـاتـكـ.

بلـقيـسـ بـعـدـ ماـ فـاقـتـ:

- أـعـوذـ بـالـلـهـ مـنـ الشـيـطـانـ الرـجـيمـ، أـكـيدـ كـوـابـيسـ عـادـيـ، إـنـ شـاءـ اللـهـ مـفـيشـ حاجـةـ.

قامت تاخـدـ شـورـ عـادـيـ، لـقـتـ نـفـسـ عـلامـاتـ الإـيدـ عـلـىـ رـقـبـتهاـ وـرـجـلـهاـ!ـ
ـ لـأـ لـأـ أـكـيدـ مـنـ أـثـرـ الصـدـمةـ أـوـ مـنـ الـحرـ، أـوـ حـسـاسـيـةـ مـنـ الـخـوفـ،ـ
ـ خـوفـ إـيهـ يـاـ بـلـقيـسـ اـنتـ مـبـتـخـافـيـشـ!ـ لـأـ أـنـاـ هـكـلمـ حـسـنـ،ـ أـكـيدـ
ـ دـهـ لـيـهـ عـلـاقـةـ بـتـحدـيـ اـمـبـارـحـ،ـ مـشـ صـدـفـةـ هـيـ!

مسـكـتـ تـلـيفـونـهاـ وـإـيدـهاـ بـتـترـعشـ،ـ وـكـلـ ماـ تـكـتبـ كـلـمـةـ تـلاـقـيـهاـ غـلطـ؛ـ
ـ فـتـرـجـعـ تـعـيـدـهاـ تـانـيـ،ـ فـجـأـةـ لـقـتـ جـرـسـ الـبـابـ بـيـخـبـطـ،ـ وـلـمـ فـاقـتـ مـنـ

اللاوعي وقامت تفتح، كان محظوظ ظرف قدام الباب، وجواه ورقة مكتوب فيها: "استغاثة!"

حدث كل شيء في الدقيقة الـ ٩٠ في اليوم الثامن في الأسبوع بتاريخ ٤٠ / ١٦

لا تستغربوا، فهذا كل ما رأيته! في الغرفة التي أجلس فيها الآن بعد أن أفقت، حولي أمعاء ودماء على الجدران، ولكنني لا أخاف، ربما! كل ما أعمله أني من بدأت التحدي، وأنا من سأنهيه.

البداية: مايكيل وأنا (روبن) وروزا وإليزابيل، نحن الأربعة زملاء معهد نظم حاسبات ومعلومات، ومن ثم تخرجنا، ثم فرقنا العمل، ولكن حرصنا أن نتجمع سوياً يوم العطلة الرسمى نهاية الأسبوع في المقهى الذي نفضله بجانب الجامعة، مايكيل أحبت إليزابيل منذ السنة الثانية في الجامعة وتزوجا بالسر، وكنت أنا وروزا الوحدين اللذان يعلما بهذا الخبر، روزا معجبة بي منذ سنة تقريباً، وأنا لا أغيرها أبداً اهتماماً، ببساطة لأنني لا أنمى الارتباط إطلاقاً.

ذات يوم في المقهى استأذنت ودخلت حمام المقهى، وعندما خرجت لغسل يدي وجدت بقع دم مختلط بحبر أسود على أرضية الحمام، قررت أن أخبر النادل عندما أنتهي، يمكن أن يكون أحدهم قد جُرح أو كان مريضاً، ولم يعلم أحد، وأنا أجفف يدي نظرت للمرآة - على غير العادة - وجدت نفس البقع على الأرض، والغريب أنها كانت ثابتة

بشكلها على الأرض، حاولت تحسسها، ولكنني وجدتها باردة، وكأنها
منذ زمن طويل !

سمعت صوت أحد يقطع أنفاسه ويلهث، وكأنها أنفاسه الأخيرة، خرج
يتخطى في جدران الحمام ويمسك يده بصدره، كان أشقر الشعر، ولديه
لحية كثيفة، ولكن منهدمة، وعيناه يحيط بهما سواد قاتم، نحيف لدرجة
يخيل للناظر أنه جلد ملتصق بعظام، حاولت أن أساعده، ولكن ما إن
هممت بالاقتراب منه حتى دخل النادل بطريقة مريبة، ورأيت في عينيه
احمرار غضب لم أره في عين بشر من قبل !

اضطربت وتلعثمت الكلمات وهي تخرج من فمي:

- كن... كنت أريد فقط مساعدته.

النادل بابتسمة مزيفة تداري شرر غضب:

- لا بأس، شكرًا لك".

أستغفر الله العظيم، يا رب وهو ده وقت الغاز! المفترض أفهم إيه يعني
ولا ده حد كاتب قصة وبيوريوني ولا إيه!

لقت نفسها بتكتب لحسن رسالة: "أنا لازم أكلّمك ضروري، وحالاً".
حسن منامش في اليوم ده، وفضل مستنি�ها تظهر من زمان، أول ما صوت
المسج ظهر، فاق من تفكيره بسرعة وشاف الرسالة، ورجع التفكير
حاصره تاني:

هل الإذن اللي معايا يسمحلي أكلمها صوت؟ هل لو سمعت صوتي
مش هتشك في حاجة؟ لو رجعت لحارس الجن المارد الأعظم هيقولي
اتصرف يا حسن، هو على طول بيقول كده أصلًا، كل مصيبة بتحصل
اتصرف يا حسن، خلاص بقى أنا هتصرف واللي هيحصل يحصل.

حسن:

- حاضر يا بلقيس، ابعتي رقمك وأنا خمس دقائق وأكلمك.
بلقيس بدأتم ترتّب الكلام اللي هتقوله، هي مكانتش غبية، وبدأت
تشك في إن هو السبب، وإن أكيد هو اللي بعتلها الرسالة دي عشان
يشغل تفكيرها، الرسالة أكيد متبعتنش بحمام زاجل يعني!
بس هو أكيد هينكر، وبعدين هي برضو غلطت، ما هي وافقت على
التحدي، بس هي لازم توقعه وهو اللي يعترف، مش هتقوله كل حاجة؛
هتسخدم معاه نص الحقيقة بس وتسيء هو يقع لوحده.

حسن:

- ها يا بنتي خضتنيني في إيه؟

بلقيس:

- انت صوتك غريب أوي كده ليه؟

حسن سكت فجأة، اللي كنت خايف منه حصل.. هتصرف ازاي
دلوتي؟

بلقيس لاحظت سكوته، عرفت إن شكها صح، بس هي برضو محتاجة
ليه عشان تفهم اللي بيحصلها، ضحكت ضحكة بسيطة:

- إيه يا عم مالك القطة بلعت لسانك ولا إيه؟ بهزر معاك، ما
طبيعي انت راجل ولازم يكون صوتك مختلف عن البنات،
أصل أنا متعودة أكلم بنات على طول، معلش أنا بس ملختطة
شوية.

- لا ولا يهمك، أنا أصلًا كنت هضحك على ردة فعلك بس
مرضيتش أكون سخيف في أول مكالمة كده وأضحك وانتِ
صوتك شكله متوتر ومخصوص، المهم بقى احكيلى في إيه؟
النهارده حلمت بأحلام أول مرة أحلمها، وحاسة إن الحوار ليه
علاقة بالتحدي بتاع امبارح، فقولت أسلوك!

حسن بعد ما خانته ردة فعله ومخدش باله إن صوته كان عالي وهو
بيقولها:

- حلو، احكيلى بقى الحلم!
- إيه بتقول إيه؟!

حسن بعد ما خد باله، بارتباك:

- احكيلى يا بتني، مش أنا مكلمك عشان تحكيلى أصلًا؟

بلقيس بدأت تحكي كل اللي حلمت بيه بدون ذكر تفاصيل، ومقالتتش عن الرجال العجوز اللي ظهر في الآخر، ولا عن العلامات اللي ظهرت في جسمها.

- متأكدة إن انت حلمت بكده مش تخيل؟ ومتأكدة إن مفيش حاجة غير كده؟

- أيوة يا حسن هخبي عليك ليه لو في زيادة! أو هكذب في حاجة زي دي ليه؟

- طيب خلاص انسى الحوار ده وأنا هسألك كده وأبقى أقولك تعملي إيه.. متأكدة مش عاوزة تحكي حاجة تاني؟

بلقيس فضلت تفكّر شوية وكانت هتقوله على الرسالة، بس قالت لأنّ

مش هقوله دلوقتي، هو هيعرف إن هو بعتها، وردت عليه:

- لأنّ يا حسن كتر خيرك، شوفلي حوار الكوابيس ده عشان داخله على امتحانات ومش عاوزة أفضل كده.

* * * *

حسن بدأ يعمل طقوس تواصل مع رئيس خدم الجن المارد، لأنّ هو اتمنع ينزل العالم السفلي لحد ما يخلص مهمته مع بلقيس.

رئيس الخدم:

- ها يا حسن، طمني؟

- طلعوا ليها واتعاملوا معاها بعنف خوفها، وهي حالياً مخضوضة جداً.
- حلو جداً، استغل خوفها في إنها تفضل محتاجة ليك لحد ما أخلص تحضير التعويذة اللي هتنزلها بيها لينا.
- حاضر، أنا فاهم كل اللي انت بتقوله، وبحاول، بس قولت آخد رأيك في حاجة بسيطة كده، عاوز أعملّها تعويذة حارس خادم يفضل معاها.
- حارس إيه يا حسن انت خرفت على كبر!! انت لو عينت حارس الجن الطيار هيعرف إن احنا، وقتها هيعرفوا إن في تواصل بينا وبينها، وهتتحول الحرب لحربين، هو أنا ليه عملتلك تعويذة إنسان؟ عشان محدثش فيهم يحس - مؤقتاً - بأي حاجة، برغم إن هما لو حاولوا يعرفوا حاجة هيعرفوها، أنا أصلًا بعتْ أتأكد من إن اللي ظهر لها في الحلم ده تبعنا مش تبعهم، افتكر دايماً إن هما أقوى مننا، وإن كل اللي بنعمله ده بنكسب وقت، ومش عاوزين غلطة الحرب اللي فاتت تتكرر ويكسبونا، ولازم قوة روح بلقيس تكون بين إيدينا في أسرع وقت، فاهم؟
- فاهم والله فاهم، أنا بس عاوز أخليلها تحت عيني على طول.

- هعمل تعويذة هتعرف تشفوفها بيهَا دائمًا، بشرط إن يكون
معاها مرأة دائمًا، تقنعها أزاي إنها تفضل شالية مرأة دي
بتاعتكم انت بقى.

- أوامرك واجبة الطاعة يا رئيس الخدم.

* * *

ملكة الجن السفلي، اعتلت العرش وأخذت تسرح بعينيها بين الحضور
للبحث عن الجن المناسب لمساعدة الجن الطيار في حربهم ضد الجن
المارد، وأخذت تشير من بعيد بإصبعها إليهم، وكلما وقع الاختيار على
أحدهم كان يختفي من بين الحضور فجأة ويذهب لاستلام مهمته على
الفور.

* * *

في الجناح الأيمن للجن الطيار، كانت تقام تعويذة تواصل بين (سليفيا)؛
أحد أفراد خدم الصف الأول للجن الطيار، وبين ملك الجن الطيار:

- سيدِي الملك الأعظم، هناك من وصل لبلقيس قبلنا ويحاول
الاستيلاء على روحها، لم أعلم بعد من فعل ذلك، ولكنني
أشعر بروحها مشتلة وقد سيطر عليها الخوف، وقد فعَّلتْ
إحدى تعويذات الاستدعاء الخفية، أي أن من فعل ذلك من
عالمنا.

ملك الجن:

- أنتِ تعلمين يا سليفيا أن الجن السفلي أعلن معاونته لنا، عليكِ التأكد إن كانوا من الجن المارد أم حراس المقابر، حتى ولو كان من الخدم المسخرين يجب أن نعرف من يساعدها أو من يريد ضمّها لصفّه قبلنا، وبأسرع وقت ممكن، اتصاراف.

* * * *

بلقيس:

- أنا إمتى بقيةت كده؟ إيه التغير اللي حصل، وإيه الأصوات الغريبة اللي بسمعها دي؟ أنا متأكدة إن هو حسن، والله هو ورا كل ده، بس ليه طب أنا عملته إيه عشان يئذيني كده؟
وقبل أن تكمل أسئلة في عقلها الباطن؛ سمعت جرس الباب، وبعدها مامتها خبطت عليها وقالت لها إن في ظرف مكتوب عليه اسمها، بلقيس فاقت من شرودها بدهشة وهي بتقرأ اسمها اللي كان مكتوب بالدم.

فسألت مامتها وهي مخضوضة:

- ماما، أنتِ شايفة اسمي مكتوب أزاي؟
- أيوة يا بلقيس ماله؟ عشان مكتوب يعني بقلم حبر نصيف شوية، يا بنتي اعتبرني نفسك بقيةت مهمة.
وضحكت وخرجت من الأوضة وسابتها. بلقيس فتحت الظرف وهي مش مستوعبة اللي حصل، وبدأت تقرأ أول كلمة:

"رسائل من العالم الآخر!"

وأنا أخرج من الحمام ببطء من تأثير ما حدت، سمعت صوت همهمة الرجل بصوت منخفض متقطع شبه مسموع، وهو يقول:

- هم من فعلوا بي ذلك لأنني رفضت، أرجوك أنقذني.

وبعد أن التفت لم أجد أي أثر للرجلين، زاد هلهلي واضطرابي مما حدت، وب مجرد خروجي من الباب وجدت بطاقة ملقة على الأرض فيها: "إذا أخبرت أحداً بما رأيت ستكون نهايتك". أخذت أجري في الممر وأنا ألهث ولم أنظر ورائي، كل ما في عقلي أفكار مضطربة ومشتتة، لا أعلم ماذا أفعل!

وصلت للمقعد حيث كنا نجلس نحن الأربعة قبل أن أتركهم وأنا ألحوظ نظرات الجميع حولي وأتفحص وجوههم بدقة؛ لعلني أجده النادل الذي رأيته منذ قليل. جلست وأنا أحارب أن أهدئ نفسي كي لا يظهر عليّ الاضطراب ويسائلني أحدهم، ولكن ما إن نظرت روزا إليّ حتى علمت أن هناك شيء ما حدت. بدأت أتكلّم وأنا أحارب أن أظهر بسلام خارجي، ولكن داخلي رفض الفكرة، لذلك همت بالمعادرة:

- أنا آسف، من الواضح أنني أُصبت ببرد في المعدة أو ما شابه، سأغادر الآن، أراكم بخير جميعاً.

مايكيل:

- حسناً، اتصل بي غداً قبل أن تذهب للعمل.
- حسناً، إلى اللقاء.

وما إن خطت قدماي بباب المقهى حتى وجدت روزا تمسك يدي بيضاء:
- روبن، أنا أعلم أنك لست مريضاً، وأعلم أن هناك سبب آخر
وأنت لا تريد أن ترويه، ولكنني سأعلم في يوم ما، الآن هل
يمكنك إيصالي للمنزل رجاء؟ فقد أتيت مع إليزابيل ومايكيل
بسيارتهمما.

أنا بارتباك وقد تجمع كل ما حدث في رأسي وبدأت أفكاري تتشوش:
- أ.. أجل، هيا بنا.

طوال الطريق لم تبعد روزا عينها عنّي، وأنّا أنظر إليها بطرف عيني فقط،
أريد أن أروي لها ما حدث، ولكن أخشى عليها هي أيضاً أن يحدث لها
مكرر معه.

روزا فتاة ذات شخصية اجتماعية جذابة، عينها مزيج بين اللونين
العسلاني الفاتح والأخضر، شعرها أسود مموج ينسدل حتى خصرها،
وبشرتها خمرية اللون صافية تجذب إليها النظر، جسدها يمثل جسد
عارضات الأزياء، متوازنة في كل شيء، لقد كانت المرة الأولى التي
أتبه لجمالها وضوء القمر مسلط عليها.

أوقفت عقلي عن التفكير للحظات، وتكلمت وأنا أقنع نفسي أن هذا دون وعي مني:

- روزا، كل ما تحدثت به أمام المطعم صحيح، ولكن حتى يأتي الوقت المناسب لأخبرك بالأمر، اعنِ بحديقة منزلي، وسأعطيك نسخة احتياطية من مفاتيح المنزل حتى أعود.

روزا بارتباك وهي تتصنع الثبات في ردة فعلها:

- ح... حسناً، ولكن إلى أين؟

لم أفكر في سؤالها إلا حين سألته وقد حضرت الإجابة في ذهني على الفور:

- إلى أمي، أ.. أجل أمي تقيم في باريس، وسأسافر إليها غداً. روزا وهي تسأل باستنكار مدموج بسخرية:

- هل تود مني أن أصطحبك للمطار أو أجهز معك حقيبتك الليلة؟

- لا شكراً، سأهتم بكل هذا وحدي، سيكون كل شيء على ما يرام.

نزلت من السيارة بعد أن أعطيتها نسخة المفاتيح، وأغلقت الباب وأنا شردت بذهني قليلاً أفكّر فيما سيحدث، حتى وجدت أحدهما يفتح باب السيارة من الجهة التي أجلس فيها ويرتمي بين ذراعي ويبكي ويحتضني بقوة، أجل كانت هي روزا، تكلمت بصوت شبه مسموع بين شهقاتها:

- سأنتظرك يا روبن، وسأحاول تصديق خدعة السفر الخاصة بك، ولكن أعلم، إذا لم تأتِ سأظل أبحث عنك، وإن فقدت الأمل في أن أجده سأغادر هذا العالم، فلن يكون هناك أحد يستحق أن أعيش لأجله.
- ولأول مرة دق قلبي، وشعرت بوعزة ألم لمأشعر بها من قبل.
هل كانت تحبني كل هذا الحب وأنا لا أدرى، هل أعمتنى حياتي المهنية إلى هذا الحد؟!
- ولأول مرة بعد خمس سنوات منذ أن اعترفت بحبها لي، رفعت يدي وضممتها إليّ وبدأت أربت على رأسها ببطء، والكلمات تخرج مني باختناق:
- روزا، سأعود، لا تقلقي، سيكون كل شيء على ما يرام.
وما إن همت بمعادرة حضني حتى وجدت الكلمات تخرج من فمي وأنا لاأشعر بها:
- أحبك روزا ولن أتخلي عنك.
- هل يجب أن يوضع الإنسان في محنـة ليدرك قيمة كل شيء حوله؟
- أعدك عندما أعود ستزوج وأعوضك عن كل شيء، لقد كنت جاهلاً عندما تجاهلت حبك، أنا آسف.
- ذهبت روزا بعد أن أخذت مني المفاتيح، ولن أنسى مظهرها ذلك اليوم أبداً".

بلقيس:

- لا، متقولش إنك خلصت كتابة هنا! أنا عاوزة التكملة بقى،

هعرف منين أنا طيب أحلّ اللغز ده؟

بعد ما بدأت الحياة تقفل في وشها، والاكتئاب زاد عندها بدون سبب، كانت بدأت تعمل حاجات غريبة عمرها ما عملتها؛ كانت بتحمّل أفلام رعب وتشوفها الساعة 2 بالليل في الحمام، والضلمة، كانت بتكره حتى نور الشمس، وعلى طول قافلة على نفسها. بدأت رسائل من عالم آخر تديها طاقة إنها تكمل لبكرة وتستنى الرسالة عشان تعرف تحل اللغز.

* * *

سليفيا:

- سيدِي المأمور بالطاعة من القيادة العُليا؛ إنه حسن من صفاتِ
الخدم الأول لملك الجن المارد، اكتشفت التعويذة التي
حاولوا بها تسخير طاقتها لهم وسجن روحها لديهم؛ لقد
قمت باستبدال بعض الحروف اللاتينية في التعويذة وحوّلتها
لاستدعاء جن طيارة من الصفوف الأولى لدينا لتلازمها، بدأ
صوت خوفها يسقط، وببدأ التحول الجذري يسيطر عليها، ستكون روح بلقيس تحت سيطرتنا قريباً يا سيدِي لا تقلق،
هناك فقط شيء واحد جدير بالذكر؛ هناك رسائل مجهولة

تصل لها، تحاول خادمتنا الملازمة لها قراءتها، ولكنها لا
 تستطيع فهم اللغة المكتوبة!

رئيس الخدم:

- سأرسل ملحوظاتك للقيادة العليا.
انتهى.

* * * *

يوم التيجة للفرقة الأولى بكلية الآداب قسم علم النفس.

- بلقيس صابر حسن الخولي.
- أيةة أنا.
- باقية للإعادة.
- نعم؟ ثواني بس ازاي ده؟!

صدمتها كانت عبارة عن لحظات، وبعدها بدأ شعورلامبالاة مفرط يسيطر عليها.

* * * *

في غرفة بلقيس

سيرين:

- مش عاوزة غلطة واحدة، هتلعلعي تقولي اللي قولتهولك بالظبط وتختفي.

- خلاص يا سيلفيا والله حفظت؛ بس مظننش إن في مانع أجتنها
شويه كمان؟
- هتخليني آخذ معاليك إجراء تاني.
- خلاص خلاص جت أهي، امشي انتِ.
بقليس في غرفتها:
- عادي يعني هي أول مرة أفشل فيها، ما طول عمرني فاشلة
أصلًا!
- صوت مجهول:
-
- مش يمكن اللي حواليك هما اللي فاشلين ومش عارفين
قيمتك ولا الطاقة اللي انتِ بتملكيها؟
- انتِ مين؟ وهو انتِ بقى اللي تعرفي؟
صوت مجهول:
- بدأ إحساس الخوف يدخل جواك، وده مش في صالحك أبدًا،
دائماً يا بلقيس كل الأرواح جواها الخوف من المجهول،
وأقصد بكل الأرواح حتى اللي احنا مش بنشوفهم.
ومن ثم شعرت بلمسة خفيفة على وجهها من الفراغ المحيط!
بقليس:
- ولما هو مش في صالحني جيت تكلميني ليه؟

صوت مجهول:

- جرأتك وروح الانتقام اللي جوالك دي هي أكثر حاجة هتخلي
روحك تبقى أعلى من كل اللي حواليك، متصدقيش كلام حد
أبداً، خلilik مؤمنة إن عندك طاقة مش عند حد، خلي روح
الانتقام والضلمة والوحدة هما أصحابك، وهتبقي أيقونة القوة
الكامنة.

- نعم! أنا مش فاهمة انت بتقولي إيه ولا جاية ليه أصلًا!
وتعريفيني منين؟
صمت تام.

- جاويبني طيب!
بلقيس كانت عارفة إن ده مش صوت ضميرها، بس عمر ما خيالها
وصل إن اللي كلمتها واحدة من الجن!
سليفيا:

- برضو يا سيرين انت لازم تزودي من عندك! انت مينفعش
تسمعي الكلام أبداً؟

- أعمل إيه طيب، بصراحة توترها وخوفها وشكلها كان حلو
أوي، انت مشوفتيش شكلها والرعب باين عليها.

- : ومش هتشوفي انت تاني لو حصل أي غلطة.

* * * *

حسن:

- بلقيس، أنا محتاج أكلمك ضروري؛ عندي حل لمشكلتك.
- طب ما تقولها هنا في الشات، مش قادرة أتكلم والله معلش.
- ليه هو حصل حاجة تانية؟

بلقيس كانت هتحكي، بس فجأة سكتت وافتكرت إن هي عاوزاه
يعترف مش هي تقول كل حاجة؛ لأنها كانت مقتنعة إن هو السبب.

- لأ محصلش، مصدعة بس شوية وموضوع النتيجة ده
 مضايقني بس.

طب بصي، خلي دائمًا معاكِ مرأة صغيرة، ودائمًا يكون في
أوحيتك مرأة.

- وانت شايف إن ده هيحل المشكلة؟
- هو ممكن تسمعي الكلام أو لأ براحتك، أنا بس حاولت
أساعدك باللي أقدر عليه.
- حاضر.

* * *

- أحمد، أحمد، فوق انت عمال تخرف طول الليل.
- أنا.. أنا كنت فين، وفي إيه بيحصل؟

مؤمن:

- انت من ساعة ما نمت امبارح وانت بتخرّف وبتقول كلام شبه
الطلاسم، أكناك اتنقلت عالم تاني، انت متأكد إنك كنت بتزور
مقابر مامتك بس امبارح؟

أحمد بنبرة ارتباك:

- آه، آه والله كنت بقرأها الفاتحة.
- طيب يلا عشان الفطار جهز تحت وبينادوا علينا.
- مؤمن، انت فاكر أي حاجة من اللي أنا قولتها؟
- كل اللي فاكره إنك قولت باسم الذي جمع الجن والإنس في
أرض واحدة، أقسم عليكم أن تفتحو لي الطريق أو تتركوني
سلام.

أحمد حرارة جسمه ابتدت تزيد، وابتدى يجمع اللي حصل واحدة
واحدة، وكأنه فعلًا اتنقل لعالم تاني.

- أحمد، يا أحمد! يا ابني!
في سرير العناية المركزّة، بدأ أحمد يستعيد وعيه بالتدريج.

مؤمن:

- انت كوييس يا أحمد؟ ليه بس القلق ده، مشكلتك مع باباك
هتحل والله، ومامتك ربنا رحمها من الدنيا، صدقني كل
حاجة هتبقى كويسة متعملش في نفسك كده.

- أنا عاوز أقوم من هنا حالاً يا مؤمن.

- تقوم إيه؟ انت مجنون، انت وقعت من طولك وكنت قاطع نفس يا ابني!

أحمد وهو بيحاول يقوم بيطء، ومسمعش كلام مؤمن:

- حد غيرك يعرف إن أنا هنا؟

- بابا طبعاً عشان جابك لحد هنا، وراح ينادي لأبوك.

- طب لو حد سأل عليا أنا على الجبل، قولهم هيشف الغروب.
- غروب إيه احنا لسه الظهر!

أحمد وهو بيمشي بسرعه قبل ما حد يشوفه:

- مش مهم مش مهم، في حاجات كتير لازم أعرفها.

* * *

- انتظام حرس المقابر، حضر الخادم الموكل نيابة عن الملك.

الخادم:

- أين الحراس رقم ستة وستون، أبخاتوس؟

أبخاتوس يتقدم بتوتر:

- أنا.. أنا هنا يا سيدي!

- تعرف خطؤك، أم عقابك، أو كلاهما معًا؟

- أ.. أعلم كلاهما يا سيدي، وأنا مستعد لما تأمر به.

نظرة استعجب وهمسات من صف الجن الحاضر بأكمله.

الخادم بصوت حاد:

- صمتاً جمِيعاً، حسناً يا أبخاتوس أنا هنا لأوصل لك رسالة الملك الأعظم "إما أن تُصلح ما فعلت، أو ستُعذب دون موت في مقبرة اللعنة".

أبخاتوس بشهقات متقطعة وكلام مفْرَق، فكل الحاضرون يعلمون ما هي مقبرة اللعنة، إن الموت حرقاً أو غرقاً رحمة مقارنة بها:

- ح.. حسناً يا سيدِي، ما هو المطلوب مني؟

الخادم:

- روحه. مسجونة أو معذبة، أيَا يكن، نريد روحه بأي ثمن وبأسرع وقت ممكن، وإن تحدثت معه سنعلم، الملك لا يخفى عليه شيء، يجب أن تعلموا هذا جمِيعاً.

أبخاتوس وهو يحاول ضبط كلماته:

- أوامركم مُجابة ومُطاعة يا سيدِي.

* * * *

- انحناء جمِيعاً، حضرت ماريا ملكة الجن السفلي.

- خدمي وحراسي المنصاعون لطاعتي دوماً، قبل أن أتلوا عليكم آخر أوامرِي، وأبلغكم بأسماء فريق الجن المرشحون لصفوف الحرب الأولى، أرجو منكم أن تعلموا أن هذه المهمة ليست معاونة للجن الطيار في حربهم فقط، ولكن أيضاً هي ثأرٌ

قديم بين عالمنا وعالم البشر من نفس سلالة تلك الأرواح منذ
آلاف السنين، لذلك أرجو منكم الإخلاص لهذه المهمة،
الخطأ ممنوع بشتى أنواعه، انصراف.

* * *

بلقيس قررت تسمع كلام حسن، يمكن فعلًا عاوز يصلح غلطته
ويساعدها، هي لسه مش متأكدة هو اللي ورا اللي حصل ولا لأ، بس
هي معتمدة إن إحساسها عمره ما كذب أبدًا، بس كانت محتاجة حد
يقف جنبها وتعرف تحكيله، قررت تكلّم مروة صاحبتها.

بلقيس:

- مروة، أنا محتاجاكِ أوي، أنا حياتي بقت غريبة وحاسة إن
هيحصلني حاجة قريب.

- بس يا بنتي متقوليش كده بس، في إيه؟ اهدى، دي شوية
تهيؤات تعمل فيكِ كده!

- كل ده وتهيؤات! حرام عليكِ، ما انتِ ما عشتيش ولا شوفتِ
اللي بشوفه، اللي إيده في الماء مش زي اللي إيده في النار يا
مروة، أنا مش بنام وقربت أتجنن، قربت إيه أنا اتجننت
خلاص!

- طب اهدي وأنا هكلمك الشيخ بخيت اللي عندنا وأحكيله أنا،
ولو قالي على وصفه أو طلب يشوفك، هقولك ونروح سوا،
أنا جنبك يا بتني ما تخافيش بقى.

- شكرًا يا مروة، ربنا يجعل الحل معاه يا رب.
بلقيس خلّصت مكالمه مروة، قامت تشرب لقت ورقة طالعة من تحت
السرير!

أول ما شافت اسمها على الظرف اتحولت ملامح وشها للفرحة فجأة،
وبدأت تفتح الظرف بسرعة عشان تشوف الورقة.

غريب أوي الفضول، حتى وهو واخدنا لعالم الرعب المجهول بنبقي
حاسين بلذة الاستكشاف، ازاي كانت فرحانة ومتسممة وهي بتقرأ
ورقه عنوانها "رسائل من عالم آخر"!
فتحت الورقه وبدأت تقرأ:

"عدت إلى المنزل وفي عقلي ألف سؤال عما أفعل، كتبت تفاصيل كل
ما حدث معي وما أنا مُقدم على فعله في ورقة ووضعتها في باب الخزانة
العلوي في غرفة المعيشة، لماذا فعلت ذلك وأنا لا أريد أن أخبر روزا أو
أي أحد؟ هل يحتاج الإنسان دومًا لشيء واحد يُشعره بالأمان حتى لو
كان وهميًّا؟

حاولت النوم، ولكنني لم أستطع، بدلت ملابسي وأخذت معي سكيناً
صغرًّا يشبه الخنجر ومشطر وبعض المسامير ودبابيس المكتب

وبعض الأحلال وأنا لا أعلم لماذا أخذتهم! ربما لأنني تخيلت نفسي
مقدم على مغامرة إنقاذ كالتي في الأفلام؟!

ألقيت نظرةأخيرة على المنزل من الداخل والخارج، صعدت إلى
وسيلة مواصلات عامة ونزلت بشارع قرب المقهى، ومن ثم مشيت إلى
شارع آخر.

وصلت إلى المقهى، وجدت الباب ما زال مفتوحًا، نظرت إلى ساعة
يدي فوجدتها الواحدة والنصف بعد منتصف الليل!

دخلت ببطء وبدأت أتجه نحو الحمام، وأنا أتحسس البطاقة التي
وجدتها أمس وأتأكد أنها معى؛ لعلها هي المفتاح الوحيد لذلك اللغز!
ووجدت فيه ضوءًا خافتًا، بدأت أمشي ببطء شديد حتى وجدت نفسي
أمام نفس الباب الذي خرج منه الرجل، وجدت أثراً لبقع الدماء التي
كنت رأيتها، ولكن يبدو أن هذه حديثه، رائحتها ما زالت موجودة،
وقفت أمام الباب وأخرجت من جيبي البطاقة التي كانت معى، ظللت
أقلّبها وأنا أحاول قراءة أي شيء في هذا الضوء الخافت، وفجأة وجدت
كلمتين قد أضاءتا لوحدهما Devil's curse، بدأت قراءتهما بصوت
مرتفع، حتى فتح الباب الذي أمامي وكان أشبه بدودامة ثقب أسود، ومن
ثم تحول لسوداً قاتماً، وسمعت صوتاً خارجًا من الثقب:

- إن بدأت في هذا فلن ينهيه سواك، ولن يتحمل العاقبة أحد
غيرك، إما أن تنهيه أو ينهيك هو.

الصوت كان مرعباً، لطالما كنت أشاهد أفلام الرعب ولا أخاف منها،
ولكن أفلام الرعب الحقيقة حقاً لها نكهتها الخاصة.

بلغت ريقى بصعوبة وتحجّرت الكلمات وهي تخرج من فمي:
- ح... حسناً، أنا موافق على شروطك".

بلقيس:

- يا رب كده كتير بقى! عاوزة أعرف نهاية اللغز ده، مش يمكن
ده يكون حل للغز بتاعي؟

فتحت جوجل وبدأت تبحث عن Devil's curse

* * * *

أحمد بعد ما خرج بسرعة من المستشفى وصل للمقابر وبدأ يدور على
العلامة اللي كان حطها المرة اللي فاتت عشان يرجع لنفس المكان وبدأ
يردد نفس الكلام اللي فكره بييه مؤمن "باسم الذي جمع الجن والإنس
في أرض واحدة، أقسم عليكم أن تفتحوا لي الطريق أو تركوني بسلام".

بدأ يقولها أكثر من مرة وصوته بيعلى بالتدريج.

تنفسه بدأ يضيق، جسمه بدأ يتنفس، وحس إن روحه بتتسحب وإن حد
بيشيل جسمه من على الأرض ويرجعه تاني.

هدوء فجأة. وبعدها سمع صوت عالي:

- انت جيت تاني ليه؟

- جاي أعرف باقي اللي حصل وبيحصل، عاوز أعرف اشمعنا
أنا؟

بدأ جسمه يتشد تاني من على الأرض ويرجع للأرض تاني، وبدأ يحس بخنقه وإن العالم حواليه ضلّم فجأة.

أحمد:

- أنا فين؟

صوت مجهول:

- أنت من طلبت، لا سؤال آخر، فقط اسمع ما سيقال! معلوم منذ آلاف السنين أن هناك حرب بين البشر باختلاف العصور والأسباب، ولكن هناك أيضًا حروب بين الجن على اختلاف أنواعهم، وكما يرى البشر أن الجن لديهم قدرات خارقة، يرى الجن في أرواح البشر قوى خفية؛ لذلك يسعى كل نوع من الجن - باختلاف العصور - على البحث عن قوى خفية في سلالة معينة من البشر ليسخروا أرواحهم تحت أمرهم ويفوزوا بهم بقوة تلك الروح، كانت أمك وأنت من ضمن تلك السلالة المختارة في العصر الحالي، إما أن تبتعد وتتجأل لتعويذة تحصين لتخفى قوة روحك عنهم، أو يكون مصيرك كمن سبقوك منبني سلالتك، احذر ممن حولك.

حاول أَحْمَد يفتح عينه، لقى نفسه بيتنفس تاني وأكِنْ روحه هي اللي كانت بتسمع الكلام وبتطوف في الفراغ المحيط بيها وبعدها رجعت لجسمه تاني.

بدأ يفوق وحسّ بصداع غريب، ولقى نفسه قدام باب المقابر والدنيا ضلّمة، وصوت حد بينادي وهو خايف:

- أَحْمَد، يا أَحْمَد والنبي رد عليا.

رد بصوت شبه مسموع وهو بيحاول يجمع طاقته:

- أنا هنا يا مؤمن.

جري مؤمن عليه وهو بيمسح دموعه:

- حرام عليك، انت ليه بتعمل فيا كده؟ أبويا قالي انت عارف مكانه فين ومش هتدخل البيت إلا وهو في إيدك، ده اللي هتشوف الغروب! انت عارف الساعة كام؟

- كام يعني يا مؤمن؟ بطل دوشة بقى أنا مصدّع.

- الساعة 2 واحنا في المقابر في الوقت ده، انت عارف يعني إيه؟

أَحْمَد الدم وقف في جسمه وحس ببرودة وبصوت متقطع، قال:

- نعم يا مؤمن، الساعة كام؟

وفجأة أَحْمَد حضن مؤمن وغمض عينيه وهو بيصوت:

- حاسب يا مؤمن!

- في إيه يا ابني انت اتجننت؟

أحمد وهو بيحاول ياخذ نفسه:

- انت ما شوفتش اللي كان ماشي وهيموتك دلوقي؟

- لأ ده انت خرّفت فعلًا، مفيش حاجة احنا لوحدنا.

أحمد بعد ما اكتشف إن هو اللي شاف ده لوحده:

- طيب روحني دلوقي عشان محتاج أرتاح.

* * * *

كانت مروة وبليسيس في بيت الشيخ بخيت بعد ما خدت مروة معاد معاه.

الشيخ بخيت:

- يا أهلاً يا أهلاً، وعليكم السلام ورحمة الله وبركاته، أهلاً يا

مروة "وبضحكه خفيفة يقول": العروسة الحلوة اللي معاكِ

دي اللي حكتيلي عنها؟

بدأت ملامح وش مروة تتغير من الابتسامة لتكشيره خفيفة:

- أهلاً وسهلاً يا شيخ بخيت "وهي بتضغط على كلمة شيخ".

أيوه دي بلقيس اللي حكتلك عنها، يا رب تلaci حل ليها

ويجعل الشفا على إيدك يا شيخنا.

بلقيس:

- أنا متشركة جدًا إن حضرتك عرفت تلaci معادليا، كتر خيرك.

الشيخ بخيت:

- ملهموش لازمة الكلام ده خالص، افضلوا تشربوا إيه؟

مروءة:

- كتر خيرك يا شيخ، المهم بس تحللنا الحوار.

بلقيس بدأت تحكي للشيخ بخيت كل اللي حصل، بس بدأت من الحلم ومجابتش سيرة حسن، حاولت تستخدم إحساسها لتأني مرة؛ لأنها مكانتش مرتابة.

وفي الوقت اللي حسن جيه يستخدم فيه تعويذة المرأة اللي ادهاله الخادم، جاله أمر استدعاء، فاضطر إن هو ينفذ الأمر.

* * * *

في غرفة رئيس الخدم

حسن:

- ماذا هناك يا سيدي، هل حدث شيء؟

رئيس الخدم:

- اكتشفنا تعاون الجن الطيار مع الجن السفلي، وأيضاً هناك من يعمل على تعويذة ليكشف بها أنك من الجن المارد، وحتماً هم من الجن السفلي، يجب أن تختفي لفترة ليست بقصيرة حتى نستطيع استعادة زمام الأمور وقبل معرفة الملك.

سرت قشعريرة في جسد حسن فور سماعه لاسم الملك بتلك اللهجة من رئيس الخدم، وحاول فتح فمه بصعوبة لنطق تلك الكلمة:

- حسناً يا سيدى، أوامركم مطاعة.

* * *

مروة وبليسيس وهما قاعدين وقدامهم الشيخ بخيت وبدأ كعادته أي حد في مهنته يجهّز البخور ويهمهم بكلمات مش مفهومة، رنّ تليفون بلقيس، فطلعته من الشنطة بتلقائية، فشاور ليها الشيخ بخيت إنها متredis، فقفّلت الفون وهي بتدخله تاني الشنطة بارتباك، وقعت منها المراية الصغيرة اللي اعتعودت تشيلها بناء على تعليمات حسن، فانتبه الشيخ بخيت بحركة مفاجأة، مرورة نفسها اتخصست منها.

- إيه اللي وقع ده يا بلقيس؟

بلقيس:

- دي... دي مراية أنا متعدودة أشيلها دائمًا معايا. أ... أداة تجميل للبنات يعني.

الشيخ بخيت طلب ياخد منها المراية، ورمها على الأرض؛ اتكسرت وطلع منها دخان أبيض، ومرورة شهقت بصوت عالي أكّنها بلعت لسانها.

بلقيس قامت تزرع بصوت عالي:

- أنا عاوزة أفهم إيه بيحصل هنا وكسرت المراية ليه ومين سمحلك بكده؟ أنا عاوزة أمشي من هنا حالاً.

فجأة قامت مرورة تمشي قدامها بخطوات تقيلة جدًا ومسكتها من إيدها!

والد مؤمن:

- خير يا أَحْمَد يا ابني؟ ينفع كده تقلقنا عليك!

أحمد:

- آسف يا عم رجب والله، أنا بس نمت وأنا بشوف الغروب
ومحسيتش بالوقت.

عم رجب:

- غروب إيه يا أَحْمَد انت خارج من المستشفى الظهر وراجع ٢
بالليل! خير يا ابني خير، المهم متختضناش عليك تاني كده،
وجهّز نفسك بكرة الصبح هنروح لأبوك، هو جه من السفر
وأصالحكوا على بعض، هو برضو ملهوش غيرك يا ابني ولا
انت ليك غيره، الوضع ده ميسّر ش ولا عدو ولا حبيب، ربنا
ييسر لكم حالكم يا ابني.

- صباح الخير يا أبو أَحْمَد، أنا قلت آجي أنا ومؤمن نفتر معاكوا
النهارده بقى.

أبو أَحْمَد:

- كتر خيرك يا عم رجب شلتنا كتير، وجميلك فوق راسي.
تعالى يا أَحْمَد.

أحمد اتكلّم:

- هو ليه أنا من السلالة المختارة؟ وما ماتت ازاي؟

أبو أحمد هرب الدم من جسمه فجأة، وبدأ العرق يظهر على جبينه:

- انت بتقول إيه يا أحمد! إيه الكلام اللي انت بتخرّف بيه ده؟

ابتسامة مصطنعة:

- معلش يا عم رجب شكل أحمد بيخرف الأيام دي من أثر صدمة موت مامته. عموماً شكرًا جدًا يا عم رجب، شكرًا يا مؤمن يا ابني على وقفتكم جنب أحمد.

وطلعهم لحد الباب وقفل الباب، وهو حاطط إيده على قلبه، وفجأة بضم لأحمد نظرات مرعبة، أحمد في الأول اتختضّ، وبعدين لما افترك اللي سمعه وشافه وقف بكل ثبات وبرود، وقال بثقة:

- إيه مش ناوي تعرفني الحقيقة؟ ولا عشان قتلتها فمش عاوز حد يعرف؟

باباه انفجر من الغضب ومسكه جامد وبدأ يهدده:

- لو نطقت اللي انت قولته ده تاني هقتلوك، انت فاهم!

أحمد رد بكل برود:

- زي ما قتلتها صح؟ القتل عندك حاجه سهلة باين كده!

باباه حاول يمسك أعضابه، بس فجأة مسك الفاس بتاع الزرع اللي كان ورا الباب وضربه، أحمد حاول يفادي نفسه، بس الضربة جت في كتفه، وبدأ يحس بنزيف شديد وووجع جامد والدنيا بدأت تلف بيها.

* * * *

بلقيس:

- مروة، مروة إيه الهبل اللي انتِ بتعملية ده! سيببي إيدي أنا عاوزة
أمشي.

بصت بلقيس على الشيخ بخيت لقته اختفى!
لسه هتصوت، جت مروة من وراها وحطت إيدها على بوقها، وإيدها
الثانية كان فيها ورقة صغيرة حطتها في بوقها، وبدأت تجبرها إنها تبلغها،
بلقيس فضلت تقاوم، بس حست إن تنفسها هيقف، فاضطررت إنها تبلغ
الورقة، وبعدها أغمى عليها.

* * *

- أحمد، أحمد، اهرب بعيد يا ابني، ده متحالف معاهم، مش
هيقف في صفك ولا هينقذك، ده هيقدمك ليهم، هو عدوّك
ال حقيقي يا أحمد.

- ماما، ماما انتِ هنا؟

- أيوة يا أحمد أنا معاك دايماً، بس اهرب منه يا أحمد.

- ماما، ماما!

قام أحمد فجأة بشهقة وصوت عالي، فتح عينه لقى عم رجب ومؤمن
وأبوه، ومؤمن بيعيط عليه.

عم رجب:

- ده اللي اتفقنا عليه يا أحمدا! أمك يا ابني ربنا اللي طلبها ودي
إرادة ربنا، تروح انت تعمل كده في نفسك؟ يا ابني هتتحاسب
على روحك حرام عليك.

أحمد بدأ يستوعب ببطء كلام عم رجب:

- أنا معاملتش في نفسي حاجة يا عم رجب والله.
قالها وهو بيتص لباباه بالراحة، لحد ما وقعت عينه في عين باباه، وشاف
نظرة الشر بتلمع في عين أبوه.

مؤمن راح وقف بسرعة قدام أحمدا وحط مخدة تحت راسه:

- خلاص يا أحمدا خلاص مش وقته، انت لازم ترتاح.
وبص مؤمن لباباه، فراح عم رجب مسك إيد أبو أحمدا وهو بيقول بنبرة
شبه متتماسكة:

- تعالى يا أبو أحمدا سببهم مع بعض، ربنا يهدىهم، أكيد مؤمن
هيعقله شوية.

مؤمن بعد ما أتأكد إن باباه وبابا أحمدا طلعوا برة:

- أنا وبابا عارفين الحقيقة يا أحمدا متقلقش، بعد ما انت قولت
الجملة دي قدام بابا، بابا بدأ يدور في دماغه كلام الناس اللي
اتقال عن اللغز الغامض لوفاة مامتك، وخصوصاً إن باباك أصرّ^٢
ميعاملش عزا ودفنها بالليل، وبعدها طلعننا أنا وبابا برة بيتكم

ولفينا من الجنينة وفضلنا نسمع من الشباك اللي ورا اللي
بيحصل، ولما باباك بدأ صوته يعلى بابا بص من بين الخشب
اللي في الشباك وشافه وهو بيضربك بالفاس، وعشان كده أول
ما أبوك فتح الباب وعمل نفسه مخصوص وإن انت عملت
حاجة في نفسك، بابا خدني بسرعة وعملنا نفسنا بنشتري خضار
من عم سيد، وراح بابا جري بسرعة لما شاف باباك أكنه
میعرفش وبیساعده، وكان خايف عليك منه، متخافش يا أحمد
احنا هناخدك معانا البيت مش هنسبيك.

* * * *

- أنا فين؟ انتوا مين؟

- متخافيش، انتِ أقوى من إنك تخافي، انتِ عندك روح قوية
مش عارفة أهميتها.

بلقيس:

- أية أنا عاوزة أفهم انتوا عاززين إيه من روحي؟ وليه كل ده
بيحصل معايا، وفين مروءة والشيخ بخيت؟

سمعت صوت عالي ومرعب:

- انتِ الروح المطلوبة، انتِ من السلالة المُختارة.

فاقت بلقيس، صداع غريب، ولقت نفسها في بيت الشيخ بخيت، بس
حواليها ناس كتير، ومروءة مغمى عليها، قامت جريت بسرعة تفوق

مروة، بس لقت نفسها فقدت التوازن وداخلت ووقيعت جنبها، بدأوا

الناس يفوقوا فيها، وهي بتقول بصوت شبه مسموع:

- إيه اللي حصل وإيه اللي بيحصل ده يا رب؟ يا رب عاوزة أفهم

بقى في إيه!

* * * *

سليفيا:

- سيرين هل جنتِ! كيف تقيمين عهداً مع فتاة من البشر بدون

إذن من الأعلى؟

سيرين:

- الأعلى، الأعلى! دوماً يجب علينا أخذ الأوامر، إلى متى يا

سليفيا؟ ها قد تم ما كنت أريده وبلقيس ستصبح تحت أعيننا

مباشرة وسنصل لطرف الخيط لتأكد من محاولات التلاعب

التي يقوم بها الجن المارد، وحينها سيشاركنا الأعلى هؤلاء

نجاحنا، أليس كذلك؟

سليفيا بتنهد:

- حسناً، أتمنى أن تتحملني نتيجة أفعالك للنهاية. سأبعث رسالة

لإنها مرافقت لي، لن أتحمل أخطاء غيري، وداعاً.

سيرين بتهمك:

- وداعاً، أقسم إنك ستندم إن عندما أنجح وترتمنين لو ينسب هذا النجاح لك.

* * * *

عم رجب:

- بشرنا يا دكتور، أحمد عامل إيه دلوقتي؟

- الجرح كان عميق شوية، وستر ربنا موصلش إن يعمل كسر في عظم الكتف، هو عمل شرخ وهيحتاج بس جبيرة لمدة أسبوعين، وخيطنا الجرح الحمد لله، وكتبته شوية مسكنات وحقنة مضاد حيوي لازم ياخدها كل ١٢ ساعة لمدة يومين كده. بس انت متأكد يا عم رجب إن هو عمل كده في نفسه؟

أصل الجرح من فوق، وعمر ما مستوى إيده الثانية يوصل للضربة دي بالشكل كده! وبابن إن هو كان بيفادي نفسه؛ لأن الضربة مجاتش عمودية!

عم رجب بص من بعيد لقى أبو أحمد جاي:

- آه يا دكتور، أصل ربنا يعافيك من ساعة ما أمه مات وهو روحه فيها فاتحن.

أبو أحمد:

- ها يا عم رجب، في حاجة؟

عم رجب:

- لا يا أبو أحمد، الدكتور كان بيطمني على أبوه بس، وقال
ضروري ياخد العلاج ده، والجبيرة هتفضل أسبوعين، الحمد
الله مجرد شرخ.

أبو أحمد وهو بيتمد إيده عشان يسلّم على الدكتور وبيبتسه:
- شكرًا يا دكتور تعنناك معانا والله.

الدكتور بدأت نظرات الشك تظهر عليه، ومد إيده لأبو أحمد:
- لأ مفيش شكر على واجب، تحت أمركم في أي وقت، وألف
سلامة على أبوه.

سرع الدكتور خطوه، وقبل ما يدخل الأوضة اللي فيها أبوه ومؤمن،
طلب من موظفة الاستقبال تشغل أبوه بعمله وعم رجب بإنهما يملو
استماراة المريض أو تعرض عليهم بجيبيوا الدواء من الصيدلية بتاعة
المستشفى، ودخل هو بسرعة أوضة أبوه.

- حمد الله على سلامتك يا أبوه.
- الله يسلمك يا دكتور، الحمد لله على كل حال.

أحمد لو انت معمليتش كده في نفسك وفي حد عمل كده وانت خايف
قولي يا ابني، وأوعدك مش هقول لحد وھساعدك.
أحمد بدأ يبص لمؤمن نظرات خوف، وبدأ مؤمن يبص للدكتور
باستغراب، ويرجع يبص لأحمد، رفع أبوه راسه وبص للدكتور:

- بـ... بـصـراـحة يا دـكتـور هـو...

قاطـعـهـم صـوت أـبـو أـحـمد:

- يـلا يا أـحـمد عـشـان نـرـوح، عـمـك رـجـب بـيـجـبـلـك الدـوـاء
وـهـيـبـحـيـ.

* * * *

فـاقـتـ بـلـقـيـسـ، وـأـوـلـ حـاجـةـ عـمـلتـهـاـ إـنـهـاـ قـرـرـتـ تـكـلمـ حـسـنـ، مـعـ كـلـ رـنـةـ
كـانـتـ بـتـفـكـرـ تـحـكـيـلـهـ كـلـ حـاجـةـ وـلـاـ تـرـمـيـ طـعـمـ زـيـ كـلـ مـرـةـ وـتـسـتـنـاهـ
يـتـكـلمـ !

حسـنـ ردـ:

- أـيـوـةـ، أـلوـ... بـلـقـيـسـ اـنـتـ مـعـاـيـاـ؟ـ!

بلـقـيـسـ بـعـدـ ماـ فـاقـتـ مـنـ الـاـخـتـيـارـاتـ اللـيـ فـيـ دـمـاغـهـاـ:

- أـلوـ، أـيـوـةـ ياـ حـسـنـ سـامـعـاـكـ، مـعـلـشـ كـنـتـ بـعـمـلـ حـاجـةـ.
لـاـ وـلـاـ يـهـمـكـ، فـيـ إـيـهـ؟ـ

- وـالـلـهـ ياـ حـسـنـ أـنـاـ مـبـقـتـشـ فـاهـمـةـ إـيـهـ بـيـحـصـلـ، أـنـاـ بـقـيـتـ حـاسـةـ إـنـيـ
عـايـشـةـ فـيـ حـلـمـ أـوـ فـيلـمـ رـعـبـ، بـكـلـمـ نـاسـ مـشـ مـوـجـوـدـةـ، وـحـاسـةـ..ـ

وـبـدـأـتـ تـعـيـطـ بـهـسـتـيرـيـاـ:

- حـاسـةـ إـنـ كـلـ حـاجـةـ بـتـحـصـلـ غـلـطـ، كـلـ حـاجـةـ غـلـطـ، اـنـتـ
عـمـلتـ فـيـاـ إـيـهـ؟ـ اـنـطـقـ، أـنـاـ حـيـاتـيـ اـتـدـمـرـتـ مـنـ سـاعـةـ مـاـ دـخـلـتـهـاـ،ـ

عـمـلتـ فـيـاـ إـيـهـ؟ـ

حسن بدأ يرتكب ومكانتش عارف يرد، وفجأة قال:
- متقلقيش يا بلقيس، أنا جنبك. فين المراية اللي قولتلك خليها
معايك؟

بلقيس وهي بتحاول تجمع كلمات مفهومية من بين دموعها:
- بصراحة مروءة صاحبتي لما قولتها على اللي بيحصلني قال التالي
تعرف شيخ كوييس، وكنا عند الشيخ ده النهارده، ولما انت
كلمنتني جيت أرد عليك المراية وقعت من الشنطة، فالشيخ
وهو بيعمل التحضيرات بالبخور طلب مني يشوفها، أنا.. أنا..
والله مقولتش إن انت قولتلي حاجة، هو خدتها ورمها
اكتسرت وطلع منها دخان، أنا اتعصبت وفضلت أزعق
وقولت همشي، وفجأة مروءة ملامح وشها اتغيرت ومسكتني،
والشيخ بخيت ده كان اختفى!

- ازاي ده حصل؟ ازاي وصلوا بالسرعة دي؟
- حسن، انت بتقول إيه؟ حسن مين اللي وصلوا ردي عليا؟
حسن قفل المكالمة.

- لأ رد عليا أرجوك أنا عاوزة أفهم.
كلّمته تاني.. مرة، اتنين، وصلت للعشرين.
رسالة من حسن بعد ساعة: "أنا مش هقدر أقولك حاجة، غير إن أوعدك
إن هحميلك، بلقيس أنا بحبك، سلام".

بلقيس وهي مصدومة، مصدومة من تجمع المشاعر اللي حصل فجأة،
مبقتش عارفة تفرح إن حسن اعترفلها أخيراً بعد كل الوقت ده، ولا
تزعل بعد ما اتأكدت إن هو سبب كل اللي حصلها، ولا الحيرة اللي
هتجنتها وتعرف مين هما اللي حسن اتكلم عليهم، وإيه اللي حصل عند
الشيخ بخيت! فجأة حست إن الدنيا بتلف بيها، هي مبتسمة بس مش
مدركة هي منتمية لأي إحساس! ومين هيتنقلب على التاني في الصراع
اللي جواها؟

فاقت بصدمة من أحلامها:

- حسن جن! طب ازاي ده حصل بينا؟

* * *

رئيس الخدم التابع للجن المارد:

- حسن، لم تنته مهمتك بعد! هل من أخبار جديدة؟

- سيدى، وصل الجن السفلى لبلقيس، وعرفوا سر التعويذة،
ولكنى تعهدت على حماية بلقيس مهما كلفنى الأمر.

- هل هذا كل ما يهمك يا حسن؟ بم يفيد تعهدك بحماية روح
بلقيس، مقارنة بما نحن فيه الآن؟ بلقيس كانت طعمًا و مجرد
سلاح، لا أكثر، والآن ها هو السلاح يفلت منا، ما الفائدة من
حماية روحها الآن؟

- ماذا تعني بطعم وسلام، أليست روحًا كانت ستساعدنا ومن ثم نخلّي سبيلها؟
- رئيس الخدم بضحكات عالية ارتج على إثرها المكان بأكمله:
- نخلّي سبيل من؟ من يدخل هذه المهمة تزهق روحه، وهذا طبعاً مقابل السلام.
- ولماذا تدفع هي ثمن حرب لا تعلم عنها شيئاً؟ ليست سبباً فيها!
- لأنها الروح المختارة يا حسن، يمكنك القول إنه قدرها.
- حسن بنفاذ صبر:
- أهذا فقط التحليل المناسب! الروح المختارة وقدرها، هذا فقط؟
- أراك وقعت في شباكها وأسرتك بين خيوط قلبها! أم أن استنتاجي خاطئ؟
- حسن بارتباك:
- لا يا رئيس الخدم، أوامركم مطاعة، سأنصرف.

* * * *

"على الرغم من أن المشاعر تتغلب في معظم الأوقات، ولكن لا شك أن عدم توازن العقل مع المشاعر هو من أكثر الأشياء التي أدت إلى اختلال البشر في الفترة الأخيرة، فتفضيل أحدهما على الآخر يكون

مؤقتاً، ومن ثم يعود الآخر بقوة، ف تكون معظم القرارات بعدها سقوطاً في الهاوية لا أكثر".

كانت بلقيس بتقرأ المقاله دي وهي مستغربة ليه جت قدامها هي بالذات في الوقت ده!

بدأت تفتكـر كلام حسن وهي بتبتسم، وبعدها افتكـرت هو عمل فيها إيه، وإن هو جن، وبدأت تسأـل نفسها ازاي فرحت لما قالها كده وازاـي فجـأة نسيـت كل ده!

فاقت من تفكيرها على رنة تليفونها، مروـة!

بلقيـس:

- أـيوة يا مـروـة.

- هـتنفذـي اللي هـقولـك عـلـيـه دـلـوقـتـي حـالـاـ.

- مـروـة اـنتـ صـوتـك عـامـلـ كـدـه لـيـه؟ هو في إـيه يا مـروـة أـنا مش فـاهـمـة؟! أـلو.. أـلو..

في نفس الوقت وهي بتقفل المـكـالـمة وصلـتلـها رسـالـة مـكتـوبـ فيها حـروفـ غـريـبةـ، بدـأـتـ تـقرـأـهاـ، وـفـجـأـةـ حـسـتـ إنـهاـ مشـ قادرـةـ تـاخـدـ نفسـهاـ، وـحـسـتـ إنـ فيـ حدـ بـيسـحبـ روـحـهاـ، غـمـضـتـ عـينـيهاـ جـامـدـ منـ الخـوفـ، فـتـحـتـ عـينـيهاـ فـجـأـةـ لـقـتـ ظـلـالـ لـنـاسـ كـتـيرـ وـشـكـلـهـمـ مرـعـبـ، شـبـهـ البـشـرـ بـسـ شـكـلـهـمـ معـاقـينـ، صـوـابـعـهـمـ أـطـولـ وـجـسـمـهـمـ شـكـلـهـ وـحـشـ، فـجـأـةـ

حسـت إنـ فيـ حدـ بيـقـربـ منـهاـ، وـبـدـأـ يـحـصـلـهاـ خـنـقةـ، وـبـدـأـتـ تـصـارـعـ عـشـانـ
تـاخـدـ نـفـسـهـاـ، سـمـعـتـ صـوتـ عـالـيـ:

- انتـ هناـ عـشـانـ انتـ الـروحـ المـختـارـةـ منـ سـلاـلتـكـ، وـلـازـمـ تـقـبـلـيـ
التـضـحـيـةـ مـقـابـلـ اـنـتـهـاءـ الـحـرـبـ دـيـ!
بلـقـيـسـ وـهـيـ بـتـحـاـولـ تـكـلـمـ:
- حـ...ـ حـرـبـ إـيهـ، أـنـاـ مـعـرـفـشـ حـاجـةـ وـلـاـ اـنـتـواـ مـينـ؟
- مشـ لـازـمـ، اـنـتـ هـتـنـفـذـيـ اللـيـ هـيـتـطـلـبـ منـكـ وـبـسـ، وـإـلـاـ...
وـإـلـاـ إـيهـ؟
- الثـقـةـ الـكـبـيرـةـ دـيـ بـرـغـمـ خـوـفـكـ هـيـ أـكـترـ حـاجـةـ بـتـثـبـتـ إـنـ اـنـتـ مـنـ
الـروحـ المـختـارـةـ، وـإـلـاـ دـيـ هـتـعـرـفـيـهـاـ فـيـ وـقـتـهـاـ.

* * *

دخلـ أـحـمدـ الـبـيـتـ وـهـوـ مـرـعـوبـ، خـافـ يـكـونـ بـابـاهـ حـسـ إـنـ هـوـ هـيـحـكـيـ
حـاجـةـ لـلـدـكـتـورـ، أـوـ يـكـونـ عـرـفـ إـنـ مـؤـمـنـ وـبـابـاهـ عـرـفـواـ أـيـ حـاجـةـ.

عمـ رـجـبـ:

- خـلـيـ بـالـكـ مـنـ نـفـسـكـ يـاـ أـحـمدـ يـاـ اـبـنـيـ، هـمـشـيـ أـنـاـ وـمـؤـمـنـ بـقـىـ،
أـمـ مـؤـمـنـ اـتـصـلـتـ بـياـ كـتـيرـ وـعـاـوـزـةـ مـنـنـاـ شـوـيـةـ حـاجـاتـ.

أـبـوـ أـحـمدـ:

- كـتـّـرـ خـيـرـكـ يـاـ رـجـبـ، وـالـلـهـ أـنـاـ مـشـ عـارـفـ أـرـدـ جـمـيلـكـ دـهـ اـزـايـ!

عم رجب:

- على إيه بس ده ...

قاطعهم أحمد:

- أنا هاجي معاكوا يا عم رجب.

مؤمن بلع ريقه وهو بيص للأرض وخايف من ردة فعل أبو أحمد، وعم رجب بدأ وشه يجيب عرق.

أبو أحمد:

- وده من إمتنى إن شاء الله؟

أحمد:

- من ساعة ما أمي ماتت وأنا مبقاش ينفع أعيش في البيت ده، أنا هاخد حاجتي وأروح هناك، حتى لو هقعد في الأوضة اللي على السطح، ورجلبي بس تخف وأوعدك يا عم رجب إني هشتغل ومش هتشيل همي.

- هم إيه يا أحمد انت زي مؤمن، عيب يا ابني متقولش كده. وبص في الأرض وهو خايف عينيه تيجي في عين أبو أحمد.

أحمد مشي من جنب باباه وهو ماسك العكااز:

- تعالى يا مؤمن لو سمحت جهز معايا الشنطة عشان مش هعرف أجهزها لوحدي وأنا كده.

- حاضر، أنا جاي أهو.

مسك خرطوم الماءة وبدأ يسقي الزرع، وبدأ يراقب المكان، وتأكد إن مفيش حد بيراقبه، ودخل الأوضة الصغيرة اللي متغطيه بجريدة النخل ورا الحديقة، وقفل الباب وولع شمعة صغيرة، وبدأ يقول كلام مش مفهوم، وفجأة جاله السؤال:

- الخادم رقم ٩٠، هل من جديد؟
- أحمد لازم روحه تتسجن في أسرع وقت، بقى عنده معلومات أكثر من اللازم، ولازم ثبت إن أبخاتوس ورا تسريب المعلومات دي ويأخذ عقابه، معنديش حاجة تانية أقولها غير أنا في خدمة رئيس حرس المقابر دائمًا، انصراف.

* * *

فاقت بلقيس وقررت تعيش على إن ده حلم عشان تقدر تكمل، قررت تنزل الجامعة يمكن تفوق من الكابوس ده، بتختار لبسها عادي زي كل يوم لقت ظرف في الدولاب وسط الهدوم، بدأت تفتحه بلهفة، وكأن خيط النور الوحيد اللي فاضل يجعلها:

"أعتقد أنه بإمكانني القول إني دخلت عالم الجحيم الآن، ما إن أنهيت حتى فتح الثقب الأسود وبدأ الضوء يخرج منه، ولم أدرِ ماذا حدث سوى أنني أفقت في ظلام دامس، وكان رأسي اصطدمت بشيء ما، بدأت أمشي ببطء، وأنا أطمئن أن كل ما أحضرته معي لا زال بحوزتي، ولكن البطاقة اختفت، هل كانت هي مفتاح العبور إلى هنا كما توقعت؟"

بدأ يظهر أمامي ضوء خافت أكاد أستطيع أن أرى منه ظلي.

- كنت متأكداً أن فضولك سيدفعك إلى هنا وأنك ستاتي بملء إرادتك، الآن لا حرج علىّ فيما سأفعله بك، جيد أنك ابتلعت الطُّعم.

- طُعم! ما الذي يتحدث عنه هذا الآخر!

بدأت أميّز الصوت، إنه النادل الذي رمقني بنظراته المرعبة ليلة أمس! بدأ الضوء يعلو بالتدريج، وبدأت تتضح هويته، شخص طويل القامة ولديه عضلات ملفتة للانتباه، وجهه يمتلئ بالعروق البارزة، يخيل إلى الناظر إليه أنها ستنفجر ويفور دمه في أي لحظة!

جسمه نحيل مقارنة بعضلاته، عيناه تميلان إلى الأزرق الغامق ويبز بهما شعيرات دموية حمراء يتطاير منها شرر غضب قاتل، لا يمكن أن يكون آدمياً، بماذا أفكر أنا الآن!

ما إن اقترب مني حتى خَيَّل لي للحظة أن قدمي تشبث بالأرض تأبى الحراك، وأن كل قواي قد خارت فجأة، وكأنه يتحكم بجسدي ويحرّكه كيفما شاء!

رفعني للأعلى بإصبعين فقط وطردني أرضاً، وأخذت ضحكاته تردد أرجاء المكان وكأنها إعصار.

لقد ظلت ٧ سنوات هنا لتراني في تلك القوة التي أنا عليها، والآن وبعد طول انتظار صدرت لي مهمة الاعتناء بك اعتناءً خاصًّا، وتأكد أنك لن تخرج من هنا حيًّا.

بدأت أنهض ببطء، وأحسست أن كل جسدي أصبح حطاماً، رأيت رجلين قصيرا الطول بهيئة أقرب للشياطين، وأمرا بأخذ كل ما معي وأعطيتني ثياباً لأبدل ملابسي، ومن ثم ربطة يدي بشيء صلب، وكأنه مزيج بين الحديد والفولاذ، مشتعل من الأعلى والأسفل، وأنا في المنتصف، ما إن هممت بلمسه حتى احترق جلد إصبعي.

لا أعرف كم من الوقت ظلت هناك، أخذوني بعدها إلى غرفة وصف الجحيم أقل ما توصف به، كل من فيها يصرخ بأعلى صوت ويطلب الرحمة، رأيت الرجل الذي كان في المقهى ليلة أمس، تتمم بصوت شبه مسموع:

- لقد أتيت لإنقاذك كما قلت لك، كن حذراً، افعل ما يأمرونك به، وفي المساء سأحاول أن أطلعك على خطتي للهروب من هنا.

أخذني الحراس ووضعوني في غرفة أشبه بتحضير التعاوين، الغاز كثيرة على شكل دوائر، وسمعت صوتاً يتكلم:

- أنت من أتيت إلى هنا بملء إرادتك، ولكنك لن تخرج من هنا بإرادتك، أنا من يُصدر الأوامر هنا، ستعمل في مجالك، ولكن

ولكن بشكل مختلف، كما تفك شفرات ببرامج الكمبيوتر،
ستحل تلك الألغاز أيضاً.

خلصت قراءة وفي عقلها ألف سؤال عن الألغاز اللي اطلبت منه،
وكملت لبس ونزلت الجامعة، وهي ماشية جنب سور الجامعة فجأة
سمعت حد بينادي عليها، صوت مألف، قررت تبص، عشان تلاقي
حسن قدامها!

حسن:

- بلقيس، بلقيس استنى لازم نتكلّم.
 - حسن! ده انت بجد والله! طب ما انت بشر أهو وزي الفل!
 - فجأة هي نسيت إيه اللي عمله فيها وإن اللي حصل ليها كان بسببه.
 - آه والله أنا، لأ دي تعويذة تحويل لشكل إنسان بس، تعالى بس
نقعد في مكان نتكلّم.
 - بلقيس خدته على كافيه اتعودت تقعد فيه.
 - ها، قولي بقى إيه جابك؟ استنى، انت شكلك على فكرة في
الحقيقة أحلى من الصور بكثير.
- حسن جوا عقله: "مش عارف لو شافت شكلي الحقيقي هيحصلها
إيه!"
- ربنا يخليك، انت أجمل، وقولنا دي تعويذة تحويل يا بنتي،
المهم كنت عاوزك تعرفي إن...

- ازيك يا شقية، كده تنزلي من غير ما تقوليلي؟

بلقيس بتوتر:

- إيه ده مروة!

- إيه المفاجأة دي! معلش حسيت إني مخنوقه و كنت محتاجة

أنزل شوية، فقابلت حسن صدفة، وجنته هنا نقدر نتكلم، انتِ

عارفة مفيش مكان أعرفه ولا بروحه غير ده.

مروة:

- إيه ده بجد قابلتِ حسن صدفة!

وبصت لحسن باستنكار، وهي بتتمد إيدها تسلم عليه.

وبتلقاء مد حسن إيده يسلم عليها، وفجأة حسن بشعور غريب؛ وكأن

إيديها بتخترق روحه مش بتسلم عليه؛ ارتجف حسن واتنفس من

مكانه، وبص لمرة نظرة رعب:

- انتِ مين؟

قامت بلقيس من مكانها بفزع:

- مروة صاحبتي يا حسن!

ردت مروة بصوت مرعب:

- أنا التي ستقتلوك يا خادم الجن المارد الحقير!

رد حسن بصوت أكثر رعباً:

- لن تستطعي يا سيلفيا، سأكون قد تخلصت منكم جمیعاً.

و قبل ما يكمل كلامه، شد بلقيس بسرعة وبدأ يجري بيها، و مروة
بتجري و راهم بطريقة مريبة، وكأنها بتخترق الأرض، وبدأ هو ينط
بطريقة الجن المارد وفي إيده بلقيس بتحاول تقرص نفسها عشان تتأكد
إن ده حقيقة! بصت لحسن، كان بيهمس بحروف مش مفهومة، لحد ما
فجأة لقت نفسها في عالم فاضي، مفيش حد حواليهم!
حسن بدأ يهدا ويتكلّم:

- بلقيس اسمعنيني كويس، محدش هيقولك الكلام ده غيري، في
حرب ما بين الجن الطيار والجن المارد بقالها آلاف السنين،
وعشان يكون في هدنة في الحرب دي لـ ١٠٠ سنة على الأقل،
لازم روح من سلالة بنسميتها السلالة المختارة، بتكون متشبعة
بالظلم والوحدة والمواقف القاسية أو الانتقام، وبنستخدمها
كسلاح قوي، اللي بيقدر يسيطر عليها الأول هو اللي بيكسب
الحرب، وعشان كده انتِ كنتِ الروح دي و عندك قوة كبيرة
جداً، لدرجة إن الجن السفلي اتحد مع الجن الطيار عشان
يقدروا يسيطرلوا عليكِ، و مروة صاحبتك سليفيا من الجن
السفلي سيطرت عليها، وأنا من الجن المارد، وكان دوري إني
أسيطر على روحك، بس أنا حبيتك ومش هقدر أعمل كده،
ففهمك، كل اللي هقدر أعمله دلو قتي هديكِ تعويذة تخاطر،
تقدرني تستدعيني في أي وقت، واعي تلغطي حرف يا

بلقيس، التعويذة دي قوية جدًا، وابعدي عن مروءة في أسرع وقت، أنا لازم أمشي دلو قتي عشان وجودي معاكِ هيوصلهم ليكِ أسرع.

فتحت عينيها لقت نفسها قدام الجامعة وفي إيدها ورقة صغيرة فيها دائرة جواها نجمة، وفي كل خانة حرف، عديتهم لقتهم ٦ حروف.
رُوحت البيت وفضلت تفكّر إنها تجرب التعويذة وتكلّم حسن تشكره،
قربت من الشبّاك ولسه هتقراً التعويذة لقت ظرف الرسائل !
قفلت ورقة التعويذة بسرعة، وخدت الظرف، وببدأت تقرأ:
"اللغز !"

أخذني الحراس لباب مجرد النظر إليه يشعرك أن حياتك انتهت.
فتح الباب وفتحت معه حمم بركانية وطاقة كهربية مهولة، وأصوات صراخ وعويل لا تنتهي، وأناس قد مُزقووا وهم أحياء، بلعت ريقى بصعوبة واتجهت لا إرادياً إلى الغرفة التي طلبَ مني العمل فيها.
بدأت في تنفيذ كل ما يطلب مني خوفاً من الذي رأته عيني، وسمعت صوتاً يتمتم من خلفي :
- افعل ما نأمرك به دون أي أسئلة.

كنت أفعل كل شيء وأنا مقيد وخلفي حرّاس يراقبون كل أفعالي.

وُضع أمامي كتاب قديم له جلد أسود، وما إن فتحته حتى جاء حارس
ممن كانوا يقفون ورائي، وأصابني بسكين صغير في يدي حتى سقطت
 قطرات الدم على صفحات الكتاب، فظهرت حروف باللغة اللاتينية.
 كل ما شغلني وقتها هو كيف عرفوا أني أتقن اللغة اللاتينية؟ لقد تعلمتها
 سرّاً ولم أخبر أحداً ولم يُست مجالي !

سيطر الخوف على جسدي، كنت مسلوب الإرادة، بدأت بترجمة
 الحروف، كانت تعويذات استدعاء غريبة بالنسبة لكتاب سحر، لقد
 قرأت مسبقاً أن تعويذات الاستدعاء تكون للجبن فقط، ولكن هذه كانت
 لاستدعاء أرواح البشر! وبجانب كل تعوذة مواصفات الروح
 المطلوبة، وجدت هامشاً جانبياً، وما إن وقعت عيناي عليه حتى أخذه
 الحارس الذي على يميني وببدأ يقص هوامش كل الأوراق!
 كيف ذهبت إلى هذا العالم بكمال إرادتي وأنا لا أعلم عن هذا المكان
 أي شيء؟

ذهبت بدافع الفضول وبدافع مساعدة الشخص الذي طلب مني
 المساعدة، لكنني الآن أصبحت أنا من أحتج المساعدة!

في الجانب الآخر كان القلق والخوف يسيطران على روزا،
 بجانب التفكير فيما يفعله روبن أو ما ينوى فعله، اتخذت القرار أنها
 تذهب إلى منزل روبن، أخذت روزا مفتاح منزله الذي أعطاها إياه

وأتجهت إلى المنزل وأخذت تفتح الباب وظلت تبحث عن أي شيء
أو أي أثر تركه!

كان يعيش وحيداً في هذه المنزل، كان شخصاً منظماً في حياته، ظلت روزا تبحث عن أي شيء، لكن دون جدوى، ولم تصل إلى حل في النهاية، ولكن في لحظة وقفت روزا في صمت رهيب وهي تتأمل في صورته وتتذكر كل الذكريات والمواقف التي حدثت بينهما، حتى ذهبت إلى منزلها مرة أخرى والقلق ما زال مسيطرًا عليها خوفاً عليه، ظلت هكذا بضعة أيام.

حتى جاء الرد الصادم من صديقهم مايكل:

- مرحباً روزا، لقد كنت سألاً عن أسرة روبن، والد روبن توفي وكان روبن في عامه الثالث، ووالدته توفيت منذ سنة تقريباً.

بلقيس:

- يانهار أبيض! تحضير أرواح بشر! هما أزاي كده بجد؟ آه صح أنا نسيت أقرأ السيرش اللي كنت عملته

Devil's curse:

مجموعة من الخاطفين المجهولين، يعتقد بعض المحققين أنهم من صفوف المافيا، بينما أكد ناجي واحد ممن اختطفوهم منذ سنتين أنهم ليسوا بشرًا، ووصف المكان الذي كان فيه بأنه عالم الجحيم، وهو يلفظ أنفاسه الأخيرة!

قدرت بعض أجهزة الأمن في ٦ دول حول العالم أن حالات المفقودين بلغت في السنة ١٠ ألف، ولم يصل أي أحد لأي نتيجة إلى الآن، ويروي بعض الدجالين أنها لعنة تحل على هؤلاء المفقودين لأنهم أغضبوا أهل الأرض فيعدبونهم ومن ثم يقتلونهم، ولكن كيف هرب هذا الشخص منهم، وما الذي حدث معه؟ يظل ذلك اللغز مجهولاً، وتم التحفظ على القضية منذ سنة مضت.

فتحت بلقيس ورقة التعويذة وبدأت تقرأ الحروف بالترتيب اللي قال عليها حسن من الشمال لليمين، سرحت فجأة وهي بتنطق آخر حرف، وفجأة اكتشفت إنها قالته غلط، حاولت تلحق نفسها وتعده وتكرره، لكن الحروف اللي في الورقة كانت اتحولت للون الأحمر، وبدأت تنزل نقط حمرا على الأرض أكناها نقط دم، وبدأت تحس بخنقه وتدوخ وهي بتنادي باسم حسن وتستنجد بيها كتير.

بدأت تفوق.

- أنا فين؟ حسن! انت فين؟

- إيه الصوت ده؟ انتِ مين وإيه جابك هنا؟

- أنا... أنا معرفش، أنا بس غلطت في حرف واحد في التعويذة بتاعت الاستدعاء اللي حسن ادھالي، ووالله فضلت كتير أصلاح في الحرف ومعرفش ليه حصل كده.

وبدأت تغطي وشها بآيدها وتعيط، لحد ما لاقت إيد جاية من وراها بتطبّط عليها، فقامت بسرعة مخصوصة، بتبعض شافت ولد في سنها غالباً، شعره أسود، عيونه خضرا، ولون بشرته قمحى فاتح، وطوله متوسط، وجسمه ضعيف أوى.

- أ.. أنت مين؟

- أنا أحمد، وانت مين؟

- أنا بلقيس، بس أنا جيت هنا ازاي أو احنا فين؟

- انت هنا في سينا، وتحديداً في المقابر اللي مدفون فيها والدتي.

- ن.. نعم! انت قولت إيه! سينا إيه وازاي؟ أنا من القاهرة، ازاي

جيـت هنا؟ أنا عاوزـة أرجع بيـتي.

- اهدـي بـس، أـكـيد في حاجة حصلـت اـحـنا مش فـاهـمـينـها، تعـالـي

نقـعد فوق الجـبل اللي فوق دـه واحـكـيلي تعـويـذـة إـيه اللي غـلـطـتـ

فيـها.

* * * *

سيـلـفـيا:

- لقد خرجـت عن السيـطـرة عـقـلي تماماً حينـما رأـيـته يا سـيرـين! لا أـعـلـم ما الـذـي حدـثـ، ولكن يـبـدو أن رـوـحـ الـحـربـ بـيـنـا ثـارـ، لم أـسـطـعـ أـخـمدـ النـارـ بـداـخـليـ.

سيرين:

- والآن يا سليفيا، أنتِ من حذرتي من التهور، كيف فعلتِ
ذلك! ما الحل الآن؟

هناك مشكلة أكبر من تلك؛ لم أعدأشعر بوجود طاقة بلقيس
أو بروحها مطلقاً، كأنها اختفت من العالم بأسره! هل عمل
على تعويذه جديده لأخفائها؟

سليفيا:

- لا أعلم، اذهبي إلى مروة لنحدث بلقيس أو أهلها، علنا نصل
إلى شيء.

* * * *

أحمد:

- السلالة المختارة! أنتِ منها بقى عشان كده.

بلقيس:

- ازاي عرفتها؟

- أمي كانت منها وماتت بسبب كده، وأنا متأكد إن بابا السبب في
موتها، وأنا ورثت عنها نفس الموضوع.

- قصدك إن الموضوع وراثة؟ بس حسن مقاليش كده!

- الموضوع ممكن يكون وراثة عن الأجداد كمان مش الآباء بس،
وممكن ميكونش وراثة، بس دي حالات نادرة، بس لحد دلوقتي

مش قادر أحدد هل اللي بيساعدني هو اللي جابك هنا عشان
يجمعنا سوا ولا حسن اللي حكّيت عنه كان عارف إنك هتعملني
كده واتفقوا مع بعض! المهم إن احنا مع بعض هنقوي بعض .

- بس مينفعش أفضل هنا، أهلي هيحسوا بعدم وجودي، انت لازم تلاقي حل أرجع بيها في أسرع وقت.

- بلقيس انت قولتيلي انت سنك قد إيه؟

- ٢١ سنة، وانت؟

- ٢٠ سنة، انت مواليد سنة كام؟

- هتجيبي هدية عيد ميلادي يعني! ماشي يا عم مقبولة مقدماً،
أنا شهر ٣ سنة ٢٠٠٠، شوفلي بُرجي بقى .

أحمد وهو قام من الخضة وعلى وشه صدمة كبيرة وهو بيحاول
يستوعب اللي اتقاول ويصدقه:

- نـ.. نعم، سنة كام! انت بتهزري، لا لا أكيد بتهزري، انجزي
انت سنة كام؟

- أكيد مش هكذب عشان الهدية يعني، متصغرش عقلك!

- انت دلوقت معايا في سنة ١٨٩٠! انت مستوعبة؟ انت اتنقلت
من زمنك تماماً.

- استنى فين تليفوني؟ أنا فاكرة إني كنت ماسكاً عشان لو حسن
أو مروة اتصلو!

- تليفون إيه دلوقتي استوعبي بقى اللي بقوله، مفيش الاختراع ده
لسه، والبيوت هنا كلها مختلفة، فوقى يا بنتي انتِ في عالم تاني !
- يا رب بقى، يا رب أنا تعبت، أعمل إيه دلوقتي !
- أكيد هنلاقي حل، إمتنى وفين مش عارف ! بس أكيد في حل .
تعالى بس نشوف هتنامي فين النهارده، وبكرة نفّكر جايز
يحصل حاجة تفهمنا.

* * * *

مروة:

- أنا فين ؟ فهموني وخدني هنا ليه ؟ أنا عملت كل اللي انتوا قولتوه
والله !

صوت من مكان مبهم :

- حسناً، ومن الذين خدمتهم من قبل ضد صديقتك يا عديمة
الإنسانية ؟ هل أغرونوك بالقوة والسلطة ؟

- نعم ! هو مش انتوا نفس اللي طلبتوا مني أعمل كده ؟

نفس الصوت :

- لا، والآن ستنفذين ما يطلب منك . أمرك باسم الجن المارد، أن
 تكوني مبعوثة عبر الزمن حيث تكون بلقيس الآن بهذه الورقة،
 انصراف .

* * * *

- بلقيس اصحي بسرعة؛ في واحد جديد جه معانا!
- فين ده وإمتى وازاي؟ هو ينفع حد غيرنا يكون هنا؟
- السلالة المختارة يا بلقيس كبيرة جدًا ومختلفة على مر الزمان
والمكان، تعالى بس نشوف مين جه.
- انت مين يا عم متخضناش!
- أنا.. أنا سامعكوا كويس صح؟ مش هلوسة أفكار ولا حياة ما بعد الموت يعني!

أحمد:

- لاأنت معانا أهو، احكيلنا بس جيت هنا ازاي؟
- يزيد:
- أنا كنت بغرق وفضلت أنادي على أصحابي محدش لحقني،
وفجأة شوفت راجل عجوز بدقن بيضا قدامي، وبيقول
حاجات مش مفهومة بصوت واطي، وأول ما بصلني لقيت
نفسى هنا!

أن تعيش لحظات الموت وتعيش لما بعدها ألعن ألف مرة من الموت
ذاته!

عبارة كنت أقرأها قديمًا، ولكن الآن بدأت أصدق حقًا أن الموت وُحدَ
كمحقيقة خفيه لما تسببه من أذى، بعض الحقائق تكون في طيات الخفيان
من باب الرحمة بنا فقط.

ماذا عن هؤلاء الذين شاهدو الموت بأعينهم! هؤلاء الذين عاشهو كل تفاصيل انسحاب الروح والخوف وكتمان الصرخات والدمعات! هل التعايش بعد ذلك من الأمور المعتادة، التي ينسينا إياها الزمان كما باقي الصدمات التي نمر بها؟ هل انعدام الخوف شعور مؤلم في ذاته؟ أنا أؤمن تماماً أن كل شعور خلق داخلنا لهدف ما، بدونه يحدث خلل يستحيل وصفه.

ماذا تعني الحياة بعد لحظات الموت؟ هل تسمى حياة من الأساس!

- يزيد، يزيد!

- مين؟

.فتح عينه ببطء.

- أنا فين؟ مش قادر أتنفس. أنا بغرق.

صوت عالي أوي حواليه.

- حد ينقذني، أقسم بالله بغرق مش بهزر، يا جماعة مش قادر

!أتنفس!

- مؤنس، انت كوييس؟

فاق فجأة:

- تالا!

وقام حضنها وعينه فيها دموع:

- آه.. آه أنا كوييس الحمد لله، الحمد لله مجرد خيال.

- مالك يا مؤنس في إيه؟
- لأ مفيش، هاتيلي برتقال فريش بس عقبال ما الغدا يجهز.
- احنا مرتبطين بقالنا خمس سنين وده شهر العسل أهو، وعمرك ما حبيت ريحه البرتقال حتى!
- سبحان الله، حبيته يا بنتي فجأة كده نفسي راحت إن أشربه، روحي بس هاتيلي كوباياة وتعالي.
- قامت تala باستغراب وهي متعصبو، حست إن هو كان سرحان مع واحدة في خياله وبيخونها معاها وطلب البرتقال عشان اللي في خياله بتحب البرتقال، زي أي واحدة مجونة وبتغير حتى من خياله، بس هي حكمت على خياله من غير ما تعرف هو شاف إيه، متعرفتش إن اللي شافه أ بشع من غيرتها وتصورها ألف مرة.
- بدأ مؤنس يرجع بالذاكرة اللي شافه من شوية، مين يزيد ده؟ وليه كنت بغرق؟ هل أنا فعلاً اللي بغرق ولا هو؟ ولا أنا حسيت بيـه ليـه؟ أنا لسه تنفسي ضيق وحساس إني كنت أنا بغرق!
- بدأ يرگـز بنظراته على البحر قدامـه، شاف نفس الصخرة اللي كان بيعاول يمسـك فيها في الخيـال عـشـان يـطلعـ يـتنـفسـ، قـلـبـهـ بدـأـ يـدقـ بـسـرـعـةـ، نفس الإحساس تاني!
- يـزيدـ، يـزيدـ اـطـلـعـ حـطـمـتـ الرـقـمـ الـقـيـاسـيـ وـالـلـهـ، كـفـاـيـةـ هـزـارـ خـلـينـاـ
- نـروحـ نـاكـلـ!

- أنا مش يزيد والله، أنا بموت والله، بموت خلاص مش قادر
أتنفس، تعالوا ساعدوني والنبي.

تala:

- اتفضل يا أستاذ عصير البرقال أهو، يا رب اللي انت سر حان
معاها تكون مبسوطة.

قام اتنفضم فجأة وجسمه بدأ يترعش، وشفاييفه اتحولت للأزرق، وعينه
مبّقة، وأكّن حد خانقه من رقبته !
تala صوت، وبدأوا عمال الكافطيريا يتجمعوا، وكابتن الإنقاذ جه فگّر
حد بيغرق.

* * *

بلقيس وهي بتسمع كلامه عن الرجل العجوز، نطت من الدهشة:
- أنت شوفته بجد؟ شوفت ملامحه؟ او صفحهالي كده، أصل أنا
زمان شوفته بس عمري ما شوفت ملامحه، صوته كان
بيخضّني.
- يزيد يزيد.
- إيه ده صوته أهو!
- هو فين؟
- أنا اللي جبتكم هنا يا يزيد، وجمعتكموا كلكموا، مش وقته تعرفوا
على بعض، انت قدامك مهمّة تانية عشان تجيّبو الطرف الرابع

هنا؛ لأن الحرب قربت تبدأ، لازم تتحركوا لأنهم بدأوا
يتحركوا وتحركاتهم سريعة. بلقيس..

بلقيس:

- نعم، أنا هنا.
- اطلعني فوق الجبل الثالث، عند المخرج الرابع هتللاقي مروة،
متتكلميش معها ولا كلمة، خدي منها اللي هتديهولك واقريه
كوييس يا بلقيس.
- بلقيس ابتسمت فجأة وعرفت إن الرسائل اللي كانت بتتجيلها مكانتش
خيال، دي كانت لغز هي مقصودة بيها.

- انتِ دورك مش سهل، لازم تفهمي كده، وتفهمي اللي هتقريه،
وتفهمي الأحداث اللي جواه عشان هتحتاجيها بعدين.

بلقيس بقلق:

- مروة تاني! حاضر.
- متقلقيش، هنخليها تكفر عن ذنبها بطريقتنا، نفذي المطلوب
وبس.

أحمد:

- ممكن أروح معها أعرفها الطريق بس؟
- ممكن بس في أسرع وقت.

أحمد وبليقيس بدأوا يمشوا بسرعة ناحية المكان المطلوب، ويزيد اختفى عشان يكمل مهمته اللي اطلبت منه مع مؤنس.

وقفت بلقيس قدام الباب اللي قالها عليه، ولقيت مروة جاية، خدت منها الورق اللي كان معها من غير ولا كلمة، وفجأة مروة اختفت، وبدأت بلقيس رحلتها لتنفيذ المهمة المطلوبة منها.

بدأت بلقيس تقرأ بلهفة، وأحمد جنبها بيقرأ معها:
"الأرواح المصنفة، طاقة الحب".

ظلت روزا تفكّر: لماذا أخفى عنها كل ما حدث، ولماذا قال لها إنه سوف يذهب إلى والدته التي توفيت من الأساس في فرنسا! ظلت روزا في هذه الدوامة حتى قررت الذهاب مرة أخرى إلى منزل روبن، ظلت تبحث بحثاً مكثفاً، ثم وجدت المذكورة التي كان تركها قبل أن يذهب هذا، قرأت هذه المذكرة والصدمة تسسيطر عليها، ولا تعلم ماذا يجب أن تفعل الآن، كيف تنقذه من هذا العالم الذي أدخل نفسه فيه؟! وماذا تفعل حتى تدخل هذا العالم لإنقاذه!

أخذت القرار أن تذهب إلى هذا العالم، ظلت تفكّر كيف تدخل هذا المكان الغريب الذي ذكره في مذكرته، اتخذت روزا القرار في أن تذهب مرة أخرى، تدخل هذا المكان متخفية على هيئة رجل؛ بحكم أن دورة المياه للرجال.

ذهبت ووصلت إلى هذا المكان، فتحت الباب، وأخذت تبحث عن السر الذي يدفعها إلى هذا المكان أو العالم الآخر الذي دخله، وجدت نفس بقع الدماء.

غادرت دورة المياه، وذهبت تخبر النادل أن أحدهم قد جُرح وليس بخير، هناك آثار لدماء، أخذها النادل وبدأ يحدثها حتى تخفض صوتها، ولكنه تعرف عليها منذ أن كان يراقبها وهي مع روبن، أخذته إلى دورة المياه وأخذت تشير له على بقع الدماء، فأجابها النادل بنبرة سخرية:

- ولماذا دخلت دورة مياه رجالية وأنت امرأة؟

تشتت روزا قليلاً، ولكن حضر رد في ذهنها:
- كنت أبحث عن زوجي فقد تأخر.

نظر النادل ليديها التي لا تحملنا خاتم زواج ولملابسها التنكرية:
- حسناً، وهل وجدت زوجك؟

أجابت:

- لا، يبدو أنه خرج وأنا أحداثك.

فذهب النادل دون أن ينطق كلمة أخرى، وذهبت هي وراءه لتكميل حديثها، لتجده اختفى تماماً!

عادت لدورة المياه، وما إن فتحت الباب، حتى وجدت نفس الكارت والرسالة التي وجدتها روبن!

بدأ الخوف يسيطر على روزا، حتى رأت شخصاً من بعيد يتحدث معها، ويقول "مرحباً بك في عالم الجحيم" زاد خوف روزا وقلقها، إلى أن تداركت نفسها وقالت:

- ما هو عالم الجحيم! أنا أبحث عن شخص ما فقط!

- تبحثين عن روبن أليس كذلك؟

- كيف علمت أني أبحث عنه؟

يوضح هذا الشخص بصوت يثير الرعب، ومن ثم يختفي من أمامها، ليظهر خلفها مباشرة، ويهمس في أذنها:

- نحن نعلم عنكم كل شيء، إن كنت تريدين الوصول إليه؛
عليك الانضمام إلينا.

ردت روزا موافقة وهي مسلوبة الإرادة لكي تصل إليه فقط.

- حسناً، عليك أن تمرري هذه البطاقة التي في يدك على هذا الباب، ومن ثم ستنتقلين إلى مكان روبن.

- حسناً...

لم تكمل روزا كلامها إلا وقد اختفى ذاك الغريب عن نظرها! فعملت مثاماً أمرها، وجدت نفسها وكأنها تنتقل إلى عالم آخر. مكان مخيف، كل ما يوجد فيه ماء وهيأكل عظم، ازداد خوفها، ظلت تتقدّم بخطوات ثقيلة، حتى سمعت صوتاً يرج المكان:

- سوف تفعلين ما يطلب منك قبل أن تري روبن".

بص أحمد بلقيس:

- إيه الكلام الغريب ده! أكناها قصة زي ألف ليلة وليلة، واحنا
هنستفاد إيه من الرغبي ده كله؟

بلقيس:

- ياه، ده مش العلم بس اللي بيتطور، ده دماغ البشر كمان بتطور
سبحان الله! يعني انت كل ده مفهومتش إن دول أرواح مختارة
زينا واحنا لازم نستفاد من كل تفصيلة في قصتهم عشان نعرف
نتصرف!

أحمد بدھشة:

- تصدقى برضو فكرة مقنعة، انت طلعت ذكية أھو!
- ده طلع فعلًا صح إن البنات سابقة الولاد في النضج والتفكير،
أنا ربنا يصبرني عاللي هشوفه.

* * * *

تالا:

- مؤنس، مؤنس رد عليا والنبي بقى، فيك إيه?
الناس شالتهم، وطلبوا الإسعاف، أول ما حطوا الأكسجين نام، وصلوا
المستشفى.

الدكتور:

- هو أنا أول مرة أقابل في حياتي حاله كده، وكمان بدون سبب!
بس هو قلبه في أثر تجلط بشكل كبير، أكنه اتعرض لاختناق
حاد، أو كان بيغرق!

تالا وهي بتحاول تتكلم بين دموعها:
- والله يا دكتور كنت جنبه، أقسم بالله منزلش البحر أصلًا، بص
حتى هدومه مش مبلولة!

* * * *

في أحلام مؤنس

- مؤنس، مؤنس اصحى انت سامعني؟ انت ميت إكلينيكياً في
عالمهم دلوقتي، بس انت عايش هنا.

- انت مين؟ وليه بتعمل فيا كل ده؟ أنا والله مأذتش حد!
- متقلقش، انت بس عرفت بشاعة الموت؟ شوفت الموت غرقان
بعش ازاي؟ حسيت بالوجع ده، وضربات قلبك اللي بتسمعها دقة
دقة وهي بتختفي، والهوا اللي بيبدل بماية في ثانية! إحساس
صعب مش كده؟ مفيش أصعب من إنك تموت غرقان، أو
محروق! يزيد اختارك انت بالذات تحس بيه وتعرف إيه حصله
بالتفصيل، وبصراحة كان اختياره صح؛ لأن انت من نفس
الأرواح اللي بندور عليها عshan تساعدننا في الحرب دي.

- وهو فين دلوقت؟

- هيظهر لك قريب أوي ويفهمك كل حاجة.

- مؤنس انت فوقت! الحمد لله يا رب.

تالا:

- فاق أهو يا دكتور وفتح عينه.

الدكتور:

- حمد الله على السلامة يا باشمهندس مؤنس، المدام بصراحة

يعني مقصريش خالص، يا بختك "وهو بيتسنم ابتسامة
خفيفة".

مؤنس:

- هو إيه اللي حصل أصلًا؟ أنا جيت هنا ازاي؟

تالا:

- انت فجأة قطعت التنفس، وجسمك كان أزرق، ولما جييناك

الدكتور قال إن الإشاعات بتبيّن جلطة على القلب أو آثار
اختناق أكنك كنت بتغرق!

مؤنس قام مصدوم، وكان عاوز يحكى اللي حصل معاه اللي شافه
وسمعه، بس بص للبي حواليه وقال جواه: مين هيصدق كل اللي هحكى
ده؟ أكيد كله هيقول أثر الصدمة.

تالا:

- والله قولتهم إنك منزلتش البحر أصلًا.

الدكتور:

- طيب واضح إنك اتحسنت، أنا بقول نقوم نعمل إشاعة كمان

نشوف الحالة وصلت لفين، وبعدها هعملوكوا إذن خروج.

تالا:

- مؤنس أبوس إيدك متختضنيش تاني كده.

الدكتور:

- بكرة الصبح بإذن الله تيجوا تاخدوا الإشعاعات والتحاليل،

وألف سلامه عليك يا باشمهمهندس.

مؤنس:

- الله يسلمه يا دكتور، تعبناك معانا.

مؤنس طول الطريق متكلمش، رجع نام.

تالا:

- آه يا ماما احنا كويسيين الحمد لله، لا لا ده مؤنس نايم بس

شوية، مفييش حاجة متقلقيش.

- صباح الخير يا باشمهمهندس، ممكن أدخل؟

مؤنس:

- افضل يا بشر.

بشر:

- الإشاعات والتحاليل الأخيرة جات، والتقارير كلها بتقول إن
مفيش حاجة خالص وإن حضرتك كويس جداً!

تala:

- نعم! يعني إيه؟ لا لا، الدكتور ده أكيد بيخرف، انت مشوفتش
شكل مؤنس يا بشر كان عامل ازاي؟ احنا لازم نرجع
إسكندرية ونكشف عليه هناك.

مؤنس:

- بس بقى بس، مش عاوز صوت، مش عاوز تقارير، مش هرجع
إسكندرية دلوقتي، ارجعني انت لو حابة، بشر احجزلي أوضة
تانية حالاً، وتكون مطلة على نفس زاوية البلاج من ناحية
الكافيتريا. أنا هنزل أفتر.

تala فضلت واقفه مكانها وانفجرت بالعياط، وبشر أسرع خطواته ورا
مؤنس.

"طول عمرنا بنحتاج نشوف الحاجة عشان عقلنا يصدقها أو عشان
نكون مؤمنين بيها، يعني أنا زمان مثلًا مكتنّش مصدق بإن في مرض اسمه
صداع، ودلوقتي بقى جزء مني مش بيفارقني، فصدقـتـ إنـ هوـ موجودـ
لـماـ صـاحـبـنـيـ!"

التفت مؤنس بابتسامة بسيطة جنبه:

- أية والله انت معاك حق.

لقي نفسه لوحده مفيش حد جنبه!

مؤنس:

- لأ ما هو أنا قربت أتعجن بقى !

قالها بعصبية وهو بيرمي باقي سيجارته على الأرض.

- افضل يا أستاذ يزيد فهمني اللي بيحصل، عشان مفقدم آخر

حاجة فاضله من عقلبي وقتل نفسي وهيبقى لا أنا ولا انت.

فجأة حسّ إن الدنيا حواليه قربت للغروب، ناس كتير حواليه والكرسي

اللي هو قاعد عليه مختلف، و٣ شباب جايين من بعيد قعدوا جنبه:

- دي رابع مرة يا يزيد تحطم الرقم القياسي، مش كفاية بقى يا

عم سيب المجال لغيرك !

بص لمحمود كده، كان باين عليه الزعل والحدق بيلمع في عينيه بطريقة

مخيفة.

يزيد:

- والله يا جماعه مبقتش بالمهارة دي من يوم وليلة، أنا حاولت

وادربيت كتير، متنسوش إني بسعى من زمان أكون غواص وإن

ده هدفي، متقلقوش أكيد برضو لما يكون عندكوا حلم وتسعوا

ليه هتلاقوا إن شاء الله نتيجة سعيكم.

قام يزيد وبص ناحية الكرسي اللي مؤنس قاعد عليه، مؤنس جسمه بدأ يعرق بطريقة مخيفة ويرتعش من الخوف.
ده شبهي بشكل يخض، يزيد ده أنا! ازاي؟
يزيد وهو ماشي، اتكتب على ظهره: "اخترتكم انت متسبيش حقي، انت من السلالة المختارة يا مؤنس".
مؤنس بلع ريقه بصعوبة، وأول ما فكر إنه يقوم يكلمه، كانت كل حاجة اختفت والوضع رجع طبيعي!
بص جنبه كان بشر قاعد بيتص على نفس الصخرة، بس نظراته كانت غريبة بالنسبة لمؤنس اللي عاشره ١٥ سنة.

- بشر انت هنا؟

- أيوة يا باشمهدس معاك، معلش سرحت شوية "باتسامة مصطنعة".

مؤنس بينه وبين نفسه: لا ولا يهمك، شكلنا كلنا هنسرح كتير الفترة الجاية، وشكل في كروت كتير هتتحرق.

* * * *

بلقيس:

- استنى، في ورقة في ظرف كمان أهي.

أحمد:

- فين دي؟

- أهي عند فتحة الكهف اللي هناك دي.

- آه آه شوفتها، خليكِ مكانك، هروح أجيبها وأجي.

جاب الورقة، وهي بدأت تفتحها بلهفة وتقرأ:

"طقوس العهد"

أومأت روزا بالموافقة، ليس لديها خيار آخر.

جاء اثنان من الحرس، لم تر وجههما، كانا يرددان كلمة "العهد" حتى أحست روزا باختناق شديد، ومن ثم طُبع على يدها عين، وجعلها تمسك باليد الأخرى ورقة لتقرأ القسم: "أقسم أن جسدي ملك للروح العليا، يتحكم به كما يشاء، يزن به طاقة الحب والعدل والشر في الأرض، أنا الآن مسلوبة من إرادتي أمام إرادته".

انتهت طقوس العهد، وسلمت جسدها وهي لا تعلم ما سيحدث فيما بعد، حتى الآن رو宾 لا يعلم شيئاً عما فعلته روزا، وأنها الآن بداخل هذا العالم المخيف، كل ما كان يدور في عقل روزا هو إنقاذ رو宾 وأين مكانه، ولكن كيف وحتى جسدها سلب منها؟

كانت ترتدي ملابس غريبة، وكانت مقيّدة من يديها وقدمها في كرسي خشبي.

بعد خمس ساعات، ظهر أمامها محيط فارغ، ومن ثم بدأت تظهر بالتدريج صورة مجسدة، بدأت تفتح عينيها ببطء:

- إنه.. إنه رو宾.

بدأت تصرخ وهي تحاول نزع العبال.

- روبن أنا هنا، روبن.

- لن يسمعك، هذه مكافأة صغيرة على هدوئك وطاعتكم. كوني

مطيعة ستزيد المكافآت.

أتى ذلك الرجل الذي كان طلب مساعدة روبن من قبل وهو يتمتم بصوت منخفض:

- روبن، هناك شخص ما أتى إلى هنا لإنقاذه.

روبن:

- من؟

الرجل:

- يبدو أنها تحبك كثيراً، أتت إلى هنا بمفردها وألقت بنفسها في هذا المكان لإنقاذه.

- كيف.. كيف علمت أنني هنا؟

- كل ما أعلمه أنها طلبت أن تأتي إلى هنا، وكان معها مفتاح يوصل لهذا العالم، لا أعلم ما طلب منها إلى الآن، سيكون لهذا سر بيننا، وأسأליך كلما عرفت شيئاً".

بلقيس:

- أستغفر الله العظيم، دماغي لفت والله من الرسائل دي.

أحمد قرب منها ومسك إيدها:

- بصي، مش عارف إيه آخرتها، بس أنا واثق إن كل ده هيعدى
وانت قوية.

بلقيس بتوتر وهي بتحاول تشد إيدها:

- ش... شكرًا يا أحمد، إن شاء الله كلنا هنعدى.
وافتكرت حسن، وفضلت تحاول تفتكر التعويذة عشان تشفوه.

* * * *

تala:

- أنا خلاص يا ساندي بلم حاجتي وجایة، والله ما هفضل معاه
أكثر من كده، أنا اتجنت!

مؤنس:

- ياااه للدرجة دي أنا طلعت وحش!

تala:

- مؤ.. مؤنس!

- آه مؤنس الوحش، كملي براحتك، آسف إني قاطعتك، لما
توصلني ابقي طمنيني عليك، جيت أديك نسختك من مفتاح
الشقة، خوفت تروحي وتنسيها.

تala:

- مؤنس استنى، والله ما كان قصدي، طب افهمني بس!

مؤنس:

- وآه صح، أنا احتمال أطُول هنا وهتابع شغلي من هنا وهخلبي
بشر ييجي يوصلك ويجيبلني الحجات اللي عاوزها من
مكتبي، أهو هريحك شوية من جناني.
بشر.. يا بشررررر.

بشر:

- أيوة يا باشمهدس، تحت أمرك.

مؤنس:

- وصل المدام للبيت، وهاتلي الأربع فايلات اللي على مكتبي
واللاب توب، وشغل كل كاميرات المراقبة في الشركة،
ومتأخرش عن ٢٤ ساعة وتكون قدامي.

بشر:

- حاضر.

تala:

- خلاص يا ماما، قولتلك إن أنا جاية، بشر هيوصلني. يا ماما
انتِ مشوفيش مؤنس اتغير ازاي، ده بقى لا يتحمل وتصرفاته
غريبة، لما آجي يا ماما نتكلم وهحكيلك، سلام.

بشر:

- ربنا يكون في عونك يا مدام تالا بصراحة، أنا بس مستغرب إيه
غّيره كده!

تالا:

- والله يا بشر انت بنفسك قولت اتغير، أنا معرفش والله، كان
نفسى بس يحكيلي.
وبدأت تالا تعيط!

بشر قرب إيده من إيدها ومسكها:

- اهدى يا تالا دموعك غالية، هو ميستاهلهاش.
بدأت تالا تحس إنها دايحة:

- بشر، وقف العربية بسرعة أنا دايحة.

- لا، لا احنا لسه في بداية المشوار!

تالا بدأت ت Shawf نفسها قدم كهف في صحراء، بدأت تسمع صوت عالي
جاي من جوا الكهف:

- ادخلني يا تالا، انتِ معًا الإذن.

تالا:

- أنا معايا الإذن! إذن إيه ومن مين؟

لقت نفسها بتتسحب جوا، ودخلت أوضة معينة، كل حيطان الأوضة عليها بقع دم، والأرض زرقاء مبهراً كأنه لؤلؤ، والسقف عليه حروف غريبة.

تالا:

- أنا فين؟

- مش هتعرفي دلو قتي، اللي لازم تعرفيه دلو قتي إن جوزك من السلالة المختارة، وده اللي احنا بنحاربه، في واحد قابله من نفس السلالة واحنا بنقتلهم، حد استخدم تعويذة سجنت روحه في عالم تاني، وجوزك هو الوحيد اللي عرف يتواصل معاه، وعشان نمنعهم يتلاقوا وتسلسلهم يكمل ويكسروا الحرب، احنا اخترناكِ هتعملني معانا عقد، العقد مش هيكون عقد دم، انتِ هتجوزي بشر.

تالا:

- وبشر إيه علاقته بيكم؟

بشر:

- أنا الخادم رقم ١٩ من حراس المقبرة، المنفذ لأوامر الرئيس العليا، في خدمتك.

احنا مش بنديك الاختيار، احنا اوامرنا بتتنفذ وبس يا تالا، انتِ
سامعة! بتتنفذ وبس، ومش محتاج أفدرك لأن لو حد أيّاً كان درجة
قربه أو معرفته بيئ عرف عن الحوار ده إيه ممكن يحصلك!
فاقت تالا، لقت نفسها في بيتها على السرير، وبشر جنبها ببساطتها بكل
براءة، وكأنه مكانش هو الشكل اللي شافته من شوية!
قامت مخضوضة من جنبه.

بشر:

- أنا من النهارده جوزك، متنسيش.
- بس مؤنس! لو عرف هيطردك، وازاي أكون متجوزاك
ومتجوزاه؟
- اجتماع لحرس الجن السفلين، باسم ملكة الجن السفلية
أوجه لكم هذا الخطاب: "لقد علمنا أن سيرين وسيلفيا - من
الصف الأول لمساعدة الملكة - قد استخدموا تعويذة
للسيطرة على روح بشرية غير بلقيس، بدون علم الملكة،
وروح بلقيس اختفت طاقتها تماماً، وال الحرب أو شكت على
البدء، لذلك سينقسم صف الحراس الأول لقسمين، قسم
سيبحث عن سيرين وسيلفيا، وقسم سيعمل على اجتذاب
روح من نفس السلالة المختارة لن يجعلها طعمًا لنجد بلقيس
ومن معها". انتهي الخطاب، انصراف.

أحمد:

- بلقيس، مش هنخلص بقى قراءة القصص دي !
- قصص؟ معلش يا أستاذ أحمد فاضل آخر فصل من القصة ونخلّص.
- ياه أخيراً! خلينا نشوف هنعمل إيه بقى في اللي جاي، وهيبعتولنا أنهي جيش نحارب معاه بقى!
- جيش نحارب معاه! أنا هيجيلي حاجة بسببك قبل ما الحرب تبدأ أصلًا، سيبني أكمل آخر ورقة قبل ما أعصابي تبوظ منك.

فتحت بلقيس آخر ورقة: "الاتحاد"

كنت أفكر في مايكيل وإليزابيل هل يعرفون عني أنا وروزا شيئاً؟ هل يمكنهم الوصول أو معرفة هذا المكان؟

أظن أن هذا العالم خاص فقط بأشخاص من اختيارهم، ولكن لا أعلم على أي أساس يتم اختيار هؤلاء الأشخاص! فقط لو يعلم مايكيل بما يحدث لنا ويحاول تقديم أي مساعدة أو طرف خيط لحل ذلك اللغز! هل ستتمكن من الخروج أنا وروزا؟ أم ستموت في هذا المكان الغريب ولا يعلم أحد عنا؟

قبل أن تنتهي تلك الأسئلة من رأسي، جاء ذلك الشخص الذي كان طلب مني المساعدة من قبل وأخبرني أن روزا هنا، وهمس لي:

- لقد سمعتهم يتكلمون عن شيء يُدعى السلالة المختارة، وأن هؤلاء فقط قادرون على تحريرنا، وعرفت أنهم امتلكوا التحكم في روزا، ولكن روزا وضع لها ختم القوة، كانوا يلقبونها بروح الحب، وعلى ما أظن أن روحها قوية، هي من يمكنها مساعدتنا الآن، وهناك عوالم أخرى غير الذي نحن سجناء فيه الآن، علينا أن نحرر من فيهم.

أخبرت ذلك الرجل أن يحاول التواصل مع روزا في أسرع وقت ويخبرها أن تطلب المساعدة بأي وسيلة.

ذهب ذلك الرجل وحاول التسلل لمكان روزا، رأته روزا من بعيد يفعل إشارات بيديه لعلها تفهمه، بدأت روزا تعطيه كل تركيزها، حتى فهمت من لغة شفتيه أن روبن هنا، وأنه يطلب منها أن تطلب المساعدة، وأن لديها قوى خاصة تستطيع بها فعل ذلك.

أومأت روزا أنها فهمته، وانصرف سريعاً قبل أن يلاحظ أحد وجوده. لم تكن روزا تعرف من أين تبدأ، أغمضت عينيها وبدأت تحاول تحرير طاقة من جسدها لإرسال أي إشارة للعالم الخارجي؛ لعل أحد يشعر بها.

مر وقت وهي على هذه الحال، حتى أخذ اليأس يسيطر عليها.

فتحت عينيها لتجد حارسان يمسكان بها لنقلها للمكان الجديد الخاص بها، وهي في الممر، شعرت بالدوار، فصدمت أحداً بدون قصد، لترى أوراقاً تتنااثر على الأرض من ذلك الشخص.

ترفع رأسها وتعذر، لتجد فتاة تضع يدها على كتفها، وتخبرها ألا تقلق، استطاعت روزا قراءة لغة عينها، لتسألها روزا بدهشة:

- من أنتِ؟

تجيب:

- اسمي مروة.

* * *

- إيزيس، استدعتك الملكة لتعرف اقتراحك عن اجتذاب روح من السلالة المختارة، تفضل لقول ما عندك.

إيزيس:

- البشر يغلبهم دوماً فضولهم حتى لو كانوا من أعرق السلالات يا جلاله الملكة، لذلك عرفت نقطة ضعف نجري بها روحاً منهم؛ سأتحول بتعويذة إلى بشري، ومن ثم أغريه بفتح العين الثالثة، ليرى حقيقة من حوله وتفكيرهم والمستقبل، أو يمكننا عمل تواصل روحي ويخبره أحد بذلك عن طريق حلم ما، ومن ثم ندمج طقوس فتح العين الثالثة بطقوس السيطرة على روحه بدون أن يشعر، ليكون بين أيدينا.

تبتسم ملكة الجن:

- لم أخطئ عندما اخترتكم لتلك المهمة يا إيزيس، لتببدأ بالتنفيذ
بالطريقة التي تحبها، وكل طلباتكم مجاوبة.

ينحني لها إيزيس:

- أشكرك يا جلالـة الملكـة، لن أخـيب ظنـكـ، وسـنفـوز بـتلكـ
الـحـربـ بلاـشـكـ.

- افتحـيـ الـبابـ دـهـ ياـ تـالـاـ بـدـلـ ماـ أـكـسـرـهـ، أـنـاـ سـمـعـتـ صـوـتـ وـاحـدـ
جـواـ مـعـاـكـ وـانـتـ بـتـقـولـيـ إـنـ مـؤـنـسـ مـجـاشـ، اـفـتحـيـ حـالـاـ.

قامت تالا بسرعة، بصـتـ لـقـتـ بـشـرـ كـانـ اـخـفـىـ.

تـالـاـ:

- فيـ إـيـهـ يـاـ مـامـاـ صـبـاحـ الـخـيرـ! الـجـيـرـانـ سـمـعـتـ صـوـتـنـاـ عـلـىـ الصـبـحـ.
- ماـ هـوـ لـمـاـ تـقـولـيـلـيـ جـوـزـكـ مـعـاـكـ وـاتـخـانـقـتوـاـ فـيـ تـالـتـ يـوـمـ
فيـ شـهـرـ العـسـلـ وـأـسـمـعـ صـوـتـ وـاحـدـ جـواـ دـلـوقـتـيـ، لـازـمـ دـمـاغـيـ
تـوـدـيـ وـتـجـيـبـ، وـرـيـنـيـ كـدـهـ باـقـيـ الشـقـةـ، أـنـاـ لـازـمـ أـتـأـكـدـ بـنـفـسـيـ.
دخلـتـ أـوـضـةـ تـالـاـ، وـتـالـاـ كـانـتـ بـتـبـصـ بـتـوـتـرـ فـوـقـ السـرـيرـ لـعـقـدـ جـواـزـ بـشـرـ
أـوـ لـأـيـ أـثـرـ لـيـهـ، مـفـيـشـ حـاجـةـ.

اتـنـهـدتـ وـبـصـتـ لـمـامـتـهـاـ بـثـقـةـ:

- تعـالـيـ دـورـيـ فـيـ الدـوـلـابـ مـعـاـيـاـ كـمـانـ لـوـ حـابـةـ! عـمـومـاـ هـرـوحـ
أـعـمـلـ قـهـوةـ، أـعـمـلـكـ مـعـاـيـاـ؟

يزيد:

- مؤنس أنا آسف إني ورطتك معايا في كل ده، بس انت الوحيدة اللي كنت قريب مني ومن نفس السلالة وتقدر تساعدني.
- آسف على إيه بس ! ده الواحد على الأقل شاف حاجة يبقى فيها مغامرة أو تغيير بدل المكتب والشركة وواحدة زنانة على راسك على طول.

ابتسِم يزيد:

- بمناسبة الزنانة، عندي معلومات إنها انضمت لليهم، وكمان عملت معاهم عقد، ومش عقد دم؛ عقد جواز، وإن هما يقدروا يتحكموا في روحها زي ما هما عاوزين.
- قام مؤنس من مكانه بعصبية وكسر جزء من مكتبة خشب كانت قد امه:
- اتجوزت مين دي؟ هي خلاص اتجنت، وعقد مع جن كمان؟! دي عشيتها هتبقى طين على دماغها.

يزيد بارتباك:

- اهدا بس يا مؤنس، هما عارفين إن احنا هنعرف كده، فهيعرفوا يستدرجوك كده، ويبوظوا خططنا، احنا زي الدايرة يا مؤنس، لو حد فينا ضاع هنبقى خسرنا، لأن كلنا بنكمel بعض زي الدرع، اللي عمل كده واحد قريب منك أكيد، بس هو واحد منهم وبيكونوا عاملين تعويذة يخفوه ويخفوا طاقته عشان

منعرفش إن هو مش إنسان، مش سهل نعرف، بس لحد ما
نوصلهم عاوزك تمسك أعصابك وتنسى تala خالص دلوتي،
كده كده جوازها ده مجرد صورة، وهي جبانة، فهيفضلوا
مخلينها تحت عينهم بس، عشان احنا ناخذ خطوة ونتكشف،
لكن مش هيئوها.

بدأ مؤنس يستوعب كلامه ويهدأ:

- طيب انت قولتلي إن في عوالم مختلفة بتاريخ سنين مختلفة
كمان مسجون فيها ناس وبيتعذبوا برضو؟

- كل ده هتعرفه بوقته، المهم دلوتي تكون مستعد عشان هتنقل
من العالم ده للعالم اللي هيكون فيه ٣ قوى غيرك، مبقاش في
وقت الحرب هتبدا.

* * * *

بلقيس:

- مروة راحت هناك ازاي؟ هي من السلالة المختارة زينا؟

أحمد:

- مش عارف بصراحة، ثوانى كده في إشارة من عند مقابر ماما،
خليك هنا وأنا هروح وأجي.

- لأ هاجي معاك، مش هفضل هنا لوحدي في كل اللي بيحصل

.٥٥

- طب هاتي إيدك كده.

وصلوا للموقع بتاع الإشارة، بدأ أحمد ينادي بالكلمات اللي اتعود عليها: " باسم الذي جمع الجن والإنس في أرض واحدة، أقسم عليكم أن تفتحوا لي الطريق أو تركوني بسلام" ، وبدأ يكررها بصوت عالي أكثر من مرة، بلقيس كانت ماسكة إيده برعه، فجأة ظهر صوت بيりد عليهم:

"يصطادني الموت أو لا أخضع لست من الناظرة ..

عقلتي بحثاء تخنق لا تختلق ما بداخلك..

علقت الشمس في فجاء الليل والأقمار شاهدة..

يتلوني العبث تلو تلو الآخر..

في الماضي لا أراني، في القادم دائمًا حاضر

لا تتفهم ما بداخلي أو ترتل هفاحتني الساردة

الموج مررت من أصابعي، انظر معى للعيون الكاحلة..

صوب الأحلام أحمل الأوهام أتلقي كدمات

أصوات القاع تطاردني والبؤس على جثيتي حاملة

والسماء تنظر لي تنتظر قرب موبي والنجوم ثاملة.. تجردوا من حرريتي

والسيوف كاسحة..

التف حولي الموت لم يقربني لم أخشء وما كنت خائفاً..

سأدع العنان لجنيتي قودي جسي أنا لست من الأزامرة..
لن تتوقف نزاعتنا سنشهد لنختفي سنعود بك بماضي ألفا ونلقيك
للمستقبل ألفين، سنجرد آدميتك ونحرر الملك الأعظم، لا ينتهي
ترحالنا، لا نعجز بتلك الدائرة، جميعنا ناظره، أنت آخر الناظرين
للسماء".

بلقيس كانت بتردد معاه كل جملة بدونوعي، أَحْمَد بصلها بخوف،
ساب إيدها بعد ما فاقت، نطقت باسم حسن، أَحْمَد بصبنظرات حزن
وفضل واقف بعيد لحد ما هي تفوق.

* * * *

- استدعاء لإيزيس من جلاله الملكة.
- ما آخر الأخبار يا إيزيس؟
- لقد وقع اختياري على فتاة تسمى ماريا، قتل والدها والدتها
وعذبها كثيراً، تمتلك روح الانتقام، وتكره البشر بشدة، تريد إيذاء
الجميع، في منتصف هذه الليلة سيكون الختم عليها وستكون تحت
سيطرتنا.

الملكة:

- نحن بانتظارك، فليكن النصر العظيم حليفنا.

* * * *

عاشت ماريا فتاة مُعتقدة من الجميع، بعد أن قتل والدها والدتها شوّه وجه ماريا الطفلة التي لم تكمل ١٠ أعوام بماء النار، ومن ثم هرب وتركها تواجه المجتمع والحياة بعد ما حصل لها، كانت جارتها تعطيها الطعام وما يبقى من ملابس أبنائها، وعلى الرغم من كل ما عاشته كانت تعطي ما يتبقى منها للآخرين، لذلك كانت روحها أنساب روح - من وجهة نظر إيزيس - بما تجمعه من ذلك التناقض، وكان متأكداً أنها ستتوح ملكة على عرش أرواح السلالة المختارة.

وصلت ماريا الآن سن العشرين، وهي ما زالت في نظر الجميع تلك الفتاة المشوهة، التي لن يقبل أي رجل بالزواج منها، ولن يتقبلها المجتمع، إنها الوظيفة العاشرة التي تقدم عليها في نفس اليوم وتلقى عدم القبول.

عادت للمنزل وهي عازمة على إنهاء حياتها، وما إن اقتربت من المنزل حتى وجدت سيدة عجوز يهرول الجميع فور رؤيتها، ويلقبونها بخفيفة العقل، اقتربت منها ماريا، لتجيب العجوز وهي تنظر للأرض:

- إيه مش هتجري انتِ كمان زيهم؟

ماريا:

- لا ما هما كمان بيجرروا مني، انتِ مش لوحدك، محتاجة مني حاجة قبل ما أدخل؟ يمكن متشفونيش تاني خالص.

- خدي السلسلة دي هتبقى حلوة عليك.

-----◆◆◆-----

- هي حلوة أوي فعلاً، بس أنا مش معايا حتى أكل أقدمهولك مقابلها.
رفعت السست العجوزة نظرها من الأرض لها:
- إنها بدون مقابل يا جميلة، إنها هدية لروحك فقط.
وقع سحر جمال الكلمات في قلب ماريا، فتلاءب به، ونسى تماماً ما
كانت عازمة عليه منذ بضع دقائق.
أخذت القلادة ووضعتها في عنقها، وصارت تتأمل بانبهار دقة صنعها
وجمالها، وما إن التفت وراءها لم تجد السيدة العجوز.
ابتسمت وكأنها تودع شبحها بتلك الابتسامة، ودخلت المنزل تضم
القلادة بيديها، وغطت في نوم عميق.

* * *

في حلم ماريا

- لقد اضطهدتك الجميع من قبل، أليس كذلك؟
- من أنت؟
- هل تريدين تدميرهم جميعاً؟
- أجل، ولكن من أنت؟
- حسناً، أطلقني العنان لطاقة غضبك وانتقامك، سأجعل بين يديك
أقوى الأسلحة الحسية، سأجعلهم جميعاً تحت قدميك.
- وما المقابل؟

-----◆◆◆-----

- دون مقابل، فقط رددي تلك الأحرف التي ستظهر أمامك.

أخذت تردد الأحرف حتى استيقظت من النوم بهلع، كان الصباح قد حل، سمعت صوت صراخ جارتهم، وما إن همت بالخروج لترى ما يحدث، حتى أتها الصورة كاملة أمامها؛ وأن ابن جارتهم توفي.

دخلت ماريا، مما حدث، وأخذت تضع الماء على وجهها لتتأكد أنها ليست في حلم.

* * * *

بلقيس بعد ما فاقت:

- ياه لو كان حسن هنا دلو قتي ! هو الوحيد اللي كان هيعرف يخرجنني ازاي من كل ده، يارتني كنت قولت التعويذة صح.

أحمد:

- أنا آسف إن كنت فاكره أبخاتوس، وعنده معلومات جديدة، بس أنا مش عارف مين دول؟

بلقيس:

- والله ما أعرف قولت معاهم الكلام ده وكنت حفظاه ازاي ! هو فين الراجل اللي جابنا هنا ده؟

- أحمد، بلقيس، انتوا فين؟

أحمد:

- يزيد احنا هنا.

بزيـد:

– مؤنس عرـفنا نجـيـبه أخـيرـاً للـعـالـم بـتـاعـنـا دـه، اـنتـوا إـلـيـه اللـي مـوـقـفـكـوا هـنـا
ديـ منـطـقـتـهمـ، اـنتـوا اـتـجـنـتـتوـا !!

بـصـتـ بلـقـيـسـ لأـحـمدـ باـسـتـنـكـارـ، وـبـعـدـهاـ بـصـتـ لـيـزـيدـ:

– الـبـاشـا شـافـ نـورـ بـيـلـمـعـ، فـجـابـنـا عـشـانـ كـانـ فـاكـرـ إـنـهـ إـشـارـةـ منـ
أـبـخـاتـوـسـ بـتـاعـهـ دـهـ، وـفـجـأـةـ سـمـعـنـاـ ٣ـ أـصـوـاتـ بـيـقـولـواـ كـلـامـ غـرـيبـ وـأـنـاـ
كـنـتـ بـقـولـ مـعـاهـمـ، وـثـانـيـةـ وـاحـدـةـ، اـزـايـ مـرـوـةـ اـتـنـقـلـتـ مـنـ الـعـالـمـ دـهـ لـعـالـمـ
تـانـيـ؟ـ أـنـاـ شـوـفـتـ مـكـتـوبـ كـدـهـ فيـ آـخـرـ رـسـالـةـ جـاتـلـيـ !

بـيـزـيدـ:

– أـنـاـ تـوـهـتـ فيـ كـلـامـكـواـ وـمـعـنـدـيـشـ أـيـ تـفـسـيرـ لـكـلـ دـهـ، المـهـمـ، اـحـنـاـ لـازـمـ
نـرـوـحـ دـلـوقـتـيـ لـمـكـانـ مـؤـنـسـ؛ـ لـأـنــ فيـ اـجـتمـاعـ هـنـاـكـ.

أـوـلـ ماـ رـاحـوـاـ هـنـاـكـ سـمـعـوـ صـوتـ عـالـيـ فيـ المـكـانـ، وـكـانـ مـؤـنـسـ
مـسـتـنـيـهـمـ، ظـهـرـ نـفـسـ صـوتـ العـجـوزـ:

– مـتـرـوـحـشـ هـنـاـكـ تـانـيـ يـاـ أـحـمدـ، هـمـاـ اـكـتـشـفـوـاـ خـيـانـةـ أـبـخـاتـوـسـ فيـ عـالـمـكـ
زـيـ ماـ اـكـتـشـفـوـاـ خـيـانـةـ حـسـنـ فيـ عـالـمـ بـلـقـيـسـ، كـنـتـ جـايـ لـيـكـوـ بـخـبـرـ إنـ
الـحـرـبـ خـلاـصـ هـتـبـدـأـ، وـلـكـنـ لـلـأـسـفـ جـالـيـ أـوـامـرـ إـنـ أـجـيـبـ رـوـحـ كـمـانـ
مـعـاـكـواـ هـنـاـ منـ نـفـسـ السـلـالـةـ، وـرـوـحـ دـيـ هيـ اللـيـ مـعـاـهـاـ تـاجـ سـلـالـتـكـواـ،
رـوـحـ قـوـيـةـ جـدـاـ، جـمـعـتـ جـوـاـهـاـ تـواـزنـ طـاقـةـ الـخـيـرـ وـالـشـرـ، مـشـ عـارـفـ
هـسـيـطـيـرـ عـلـيـهـاـ اـزـايـ وـأـجـيـبـهاـ، بـسـ أـكـيدـ هـحـتـاجـ حـدـ مـنـكـمـ.

بلقيس:

- هي مروة مش هترجع تاني؟

- مروة يا بلقيس هتبقى عباره عن بوابة عبور للناس اللي هي عندهم دلوقتي ييجوا هنا يساندونا في الحرب، بس عشان نضمن فوزنا لازم نفكر كلنا ازاي هنجيب الروح اللي ناقصة دي هنا ونكسب الحرب عشان كل واحد فيكوا يتحرر.

بلقيس:

- هي الروح دي بنت ولا ولد؟

العجز:

- بنت.

بلقيس:

- يبقى خلاص أنا هحاول معاك ونجيبها.

* * * *

روبن:

- انت متأكد إن اللي شوفتها واقفه مع روزا دي جاية تساعدننا؟

- أيوه والله أنا متأكد، أنا هنا بقالي خمس سنين وأعرف كل الناس اللي هنا، والبنت دي جت جديدة بعد ما كلمت روزا تطلب مساعدة.

روبن:

- ولما انت هنا من خمس سنين متعرفش أي طريقة للخروج ليه؟

-----◆◆◆-----

- كل ما بخرج بيعرفوا يجيوني، وبيبقى العقاب أشد، في ختم صغير في
ظهرك ده بيعرفوا بيه مكانك ويقدروا يتحكموا فيك.

* * * *

العجوز:

- بلقيس، أنا هعملك تعويذة هتطلعيها في الحلم وہتقوليلها الأربع
حروف اللي هقولهملك بالظبط، عشان أقدر أتواصل معها وأتصل
لمكانها وبعدها نجييها هنا.
- حاضر، أنا مستعدة.

* * * *

ذهبت ماريا لجارتهم بذهول، وبمجرد أن دخلت من الباب خانها
لسانها:

- يس مات ازاي؟
نظر الجميع لها بصدمة؛ فلم يكن أحد علم بالخبر بعد.
مرّت الساعات الأولى والجميع ينظر لها بربع، منهم من كان يستعيد
بمجرد رؤيتها ويتلو آيات القرآن.
دفن أهل القرية يس، وذهبت ماريا للمنزل بدون أي كلمة. سرحت في
القلادة بعينيها فغلبها النعاس.

في أحلام ماريا

- ماريا اسمعي كلامي كوييس.

- انتِ مين؟

- أنا بلقيس، إيه اللي أنا بعمله ده! انتِ أكيد مش عارفاني. بصي من الآخر كده انتِ من سلالة نادرة، وفي حرب مع جن، واحنا عاوزينك معانا.

- بلقيس مين، وحرب إيه، وجن! انتِ طالعة من فيلم رعب صح؟

- يووه، ازاي هتفهميني صحيح، أنا نفسني مش مستوعبة كلامي لحد دلوتي! المهم بس ركزي معايا، هوريك أربع حروف هتنطقهم بصوت عالي دلوتي قبل ما تفوقي، متخافيش أنا مش هضرّك، هتفهمي بعدين.

فاقت ماريا بعد ما رددت الحروف التي رأتها مع بلقيس.

- حرب إيه وجن إيه! ومين الهمبة اللي كانت بتتكلم دي؟ وأنا ازاي قولت وراها الطلاسم دي وسمعت كلامها؟ يا ترى إيه اللي مستتنيني بعد كل ده؟ هو أنا حياتي ناقصة!

* * * *

مروة:

- ركزي معايا يا روزا مفيش وقت الحرب هتبدأ، انت لازم ترکزي في
تحرير قوتك بشكل أكبر عشان أقدر أديك رموز التعويذة اللي هتوصلنا
بالعالم الثاني، أنا لما جيت هنا قوتك مكانتش مساعدة بربع الطاقة لفتح
البوابة حتى! لازم يا روزا تحاولي عشان نعرف نستغل فرصة
استعدادهم للحرب، ونروح العالم الثاني.

روزا بارتباك:

- حاضر والله، أنا بركز أهو، بس متحسنيش إن كل المسؤولية عليا!
- أنا بس بحاول أساعدك وأفهمك إن لازم ننجز شوية.

* * * *

بلقيس:

- يا رب أكون عملت اللي عليا ومعكتش الدنيا.

أحمد:

- طبعاً عكستِ الدنيا من غير ما أعرف اللي حصل، هو انت يعتمد عليكِ
أصلاً!

- ما هو لو كان حسن هنا كان....

العجوز:

- احنا جايين حرب وأرواح بشر في رقبتنا مش جاية رحلة نتخانق،
المهم إن التعويذة وصلتلها يا بلقيس، بس في حاجة غريبة، أنا خدت

وقت أطول عقبال ما وصلت لكل واحد فيكوا، وهي الموضوع سهل
معاها وقدرت أحدد موقع عالمها كمان!

بلقيس:

- طبعاً دي بركتي، طب ما كوييس أهو انت معقدها ليه؟ مش يمكن
عشان هي الروح الملكرة بتاعتنا!

العجز:

- ما هو عشان هي الملكرة بتاعتكوا ده المفروض يشككني في سهولة
الموضوع وسرعته مش يطمئني! عموماً كل حاجة هتبان لما هي تستلم
التعويذة اللي هتوصلها لها، بس لو اللي في بالي طلع صح، أتمنى
العواقب تكون سليمة.

* * *

- جلالـة الملـكة "ملـكة عـرش الجنـ السـفـلـيـ" ، ورـدـنـا رسـالـة منـ إـيزـيـسـ
كـتـبـ فيها: "جـلالـة الملـكةـ، لـقـد تـواصـلتـ روـحـ بلـقـيـسـ معـ مـارـيـاـ،
وـأـخـبـرـتهاـ بـحـرـوفـ تعـويـذـةـ لـنـقلـهـاـ لـلـعـالـمـ الآـخـرـ، يـيدـوـ أـنـ مـنـ كـتـبـ تـلـكـ
الـتعـويـذـةـ كـانـ لـدـيـهـ شـكـ أـنـ أـحـدـاـ سـيـتـبعـهـاـ؛ لـذـلـكـ عـمـلـ جـاهـدـاـ عـلـىـ إـخـفاءـ
حـرـوفـهـاـ، وـيـدـوـ أـنـ بـارـعـ، وـمـنـ الجنـ أـيـضاـ، قـرـرـتـ أـنـ أـخـبـرـكـ فيـ رسـالـةـ،
وـأـعـتـذرـ عنـ عـدـمـ المـجـيـءـ بـنـفـسـيـ، لـكـنـيـ لـاـ أـرـيدـ أـنـ أـفـلـتـ مـارـيـاـ مـنـ يـدـيـ
لـحـظـةـ وـاحـدةـ".

* * *

أحمد:

– وبعدين بقى في الملل ده! هنخلص الحرب دي إمتنى، أنا صاحبى
مؤمن وحشنى أوى.

بلقيس:

– طب انت صاحبك بس، أنا أمي وأبويا وأخويا ومروة صاحبتي، كل
دول مفتقداهم، ومش عارفة أهلي لما اكتشفوا إني مش موجودة عملوا
إيه! حاسة إن أنا في عالم تاني أصلًا، يا رب نخلص بقى.

مؤنس:

– كوييس إن انتوا عاوزين نهاية الحرب تبقى كويستة وعنديكوا حد
عاوزين ترجعوله، أنا بقى نفسي أموت في الحرب عشان خسرت كل
حاجة ومش عاوز أرجع.

يزيد:

– خلاص يا جماعة بقى مش كده، إن شاء الله هتخلاص على خير وكلنا
هنرجع كويسيين.

بلقيس:

– هو انت لو رجعت يا يزيد هترجع بتغرق برضو وتموت؟

يزيد:

– تصدقى مفكرتش فيها! مش عارف، بس يارب لا، عشان هو إحساس
ربنا ما يكتبه على حد.

ظهر صوت العجوز بلهجة حازمة:

- استعدوا المقابلة ملكة أرواح السلالة المختارة لهذا العصر.

فجأة ظهرت ماريا وهي مصدومة:

- أنا فين؟ ومين جابني هنا؟

بلقيس:

- يالهوي على نفس السيناريو اللي بيتعاد معانا كلنا، تعالى يا حبيبي
هفهمك وأمري الله.

ماريا:

- أية انتِ اللي جيتيلي في الحلم، أنا مش ناسية صوتك.

- اللهم صلّ على النبي، ذاكرتك لسه حلوة أهي، أية أنا، بصي بقى،
السلالة النادرة دي تبقى السلالة المختارة، وانتِ..

العجز:

- سكوت، سأروي لكم جميعاً لماذا أنتم هنا، لأن الحرب على وشك
أن تبدأ، منذآلاف السنين كان معلوماً أن طاقة البشر تتراوح، وأن لكل
منهم ميزة، في مقابلة لعالمنا، عالم الجن، والذي يتكون من أنواع مختلفة
منهم، وكحال العالم، نحن البشر نقيم حرباً بين الدول للأقوى منا،
والجن كانوا يتشارعون على الأقوى منهم أيضاً، ولكن هناك طاقة
أرواح اكتشفها الجن من البشر مميزة، عندما تطلق العنان لقوتها
ويتمكن الجن من السيطرة عليها بتعويذة ما، يفوزون بالحرب فوراً،

وتكون هناك هدنة لمدة ٣٠٠ عام، ومن ثم تقام حرباً أخرى، ولذلك أطلقوا عليها اسم السلالة المختارة. السلالة التي أنتم منها، وهذه الحرب الأكبر والأشد شراسة في تاريخ الحروب جميعاً.

اجتمع اثنان من صفوف الحرس الأولى للجن في عصرين مختلفين للوقوف معكم، ولهذا السبب بلقيس وأحمد ليسا من العصر نفسه، ولكن الباقيون منكم من عصر بلقيس.

– حسن..

حسن:

– أنا هنا.

بلقيس وقد لمعت عينها بدهشة:

– حسن الله، انت هنا بجد! انت.. انت وحشتني أوي.

يتبسم حسن:

– وانتِ كمان والله، بس بقى الناس بتبعض علينا.

العجوز:

– احم، أبخاتوس..

أبخاتوس:

– حاضر هنا.

أحمد:

– ياه أخيراً ظهرت ونصفتني يا عم! انت فينك؟

أبخاتوس:

– لا تقلق، أنا بجانبك، كنت على وشك أن أُعذب في مقبرة اللعنة
بسبيك.

* * * *

مروة:

– يلا يا روزا الحرب هتببدأ، جمعي قوتك، لازم نفتح البوابة للعالم
الثاني دلوقتي.

– حاضر، بحاول أهو.

– خدي التعويذة دي هتساعدك على زيادة قوتك.

أغمضت روزا عينيها، وبدأت روزا تردد التعويذة، وبدأ جسدها يرتفع
لأعلى، حتى تكونت فوقها حلقة بدأت تتسع.

صرخت مروة وهي تنادي على الجميع ليتجمعوا تحت تلك الحلقة.
أسرع روبن والرجل الذي كان معه، كان الجميع في حالة فزع، وبدأ من
بالخارج يفتح الزنازين لمن هم بالداخل، تجمّع الجميع، وصلوا ٥٠٠
بشري، وب مجرد أن انتهوا من التجمع؛ أخذتهم تلك الحلقة داخلها حتى
انتقلوا إلى العالم الذي ستقام فيه الحرب.

* * * *

بدأ الضباب يخيم على المكان الذي كانت فيه بلقيس ومن معها،
ظهرت بقعة كبيرة في السماء، وكأنه شريط فيلم قديم أداره أحدهم، كان

هناك أربعه من البشر يغمضون أعينهم ويمسكون بأيدي بعضهم على
شكل النجمة، ويرددون عبارات غريبة، والرياح من حولهم تعلو،
وتأتيهم الضربات من جميع الجهات، حتى ظلوا ساعة كاملة، إلى أن
هدأت تلك الرياح، وتفككت أيديهم، ولكن مات منهم اثنان وتبقى
اثنان فقط على قيد الحياة.

كان الأمر مرعباً بالقدر الكافي الذي جعل بلقيس تبكي بحرقة لتخيلها
أن أحدهم سيُفقد نتيجة لحرب ليس لأحدهم ذنب فيها، كان مؤنس
أكثراهم فرحاً لمعرفته أن الحرب ستنتهي بخسائر روحية منهم، وتمنى
أن يكون أولهم، فوالداه قد ماتا قبل زواجه، وإخوته خارج البلاد
منشغلين بأعمالهم، وحتى حبيبة العشر سنوات، بعد أن صارت زوجة
له، تخونه مع حارسه الشخصي وشريك عمله، وحتى هو الذي كان
صديقه اتضح أنه من الجن، فلماذا قد يعيش لساعات أخرى؟

* * * *

بشر:

– قومي يلا اتحركي معايا.

تالا:

– على فين طيب؟ مش كفاية اللي عملته فيا!

– هتنفدي اللي هقوله بالحرف الاتفاق اللي بينا هيخلص على خير،
وهنخلص من القصة اللي ملهاش آخر دي.

— أنا عاوزة أطمئن على مؤنس، أنا متفقتش أصلًا، هو في إيه!
اختفى بُشر فجأة، وبدأت تالاً تشعر بدوران في رأسها، وجسدها يرتفع من على الأرض، وكأن أحدًا يرفعها، ومن ثم يضربها في الحائط، بدأت تصرخ من الألم، ليأتي صوت مخيف، من هول صدمتها أغمضت عينيها، وأخذت تبلغ ريقها بصعوبة.

— أنا بقى هوريك الوش الثاني ليُشر اللي مش عاوزة تسمعي كلامه، هنا انتِ في حاجة زي أوضة عزل، تعويذة أنا عملتها مخصوص عشان كنت عارف إن هييجي اليوم ده وهتنشفى دماغك، الجن حتى ميقدرش يسمعك هنا، فهمتِ!

يلقي بها أرضًا فتصرخ من الألم، وتبكي في نحيب حاد:
— يا رب أنا عملت إيه لكل ده يا رب! والله معمليش حاجة، يا رب بقى.
— هتنفذني المطلوب ولا تحبي نفضل وقت أطول هنا؟
— حاضر، والله خلاص.

— هوريك دلوتي زي لايف كامل لمؤنس واللي معاه، هتفضلي تراقبني وانتِ ساكتة، أول ما أنا دي عليكِ صوتك هيظهر في عالمهم كأنك مايك اشتغل فجأة كده، بس في ودان مؤنس وبس، هيكونوا مرکزين وبيعملوا حاجة مهمة ومصيرية، ملكيش دعوة، هتفضلي تعطي و تستعطفي مؤنس، وتفكيريه بكل الذكريات الحلوة اللي بينكوا، لحد ما يفقد تركيزه، لو فكرتِ تسكتي أو تخالفني اللي قولته حالاً، هتلaci نفس

العذاب اللي كان من شوية وأشد، وقتها برضو هخليله يفقد تركيزه بس
بطريقة مش هتعجبك.

بدأت تالا تردد آيات القرآن من خوفها، وبدأ بشر يقول التعويذة ليفتح
بوابة للعالم الآخر ليتمكن من مشاهدة ما يحدث.

* * *

العجز:

- انتهت رحلة مشاهدة الماضي، الحاضر والمستقبل لكم الآن، لأول
مرة في تاريخ هذه الحرب يشارك بشر غير أرواح السلالة المختارة،
ولأول مرة يشارك أكثر من أربعة أرواح من السلالة المختارة في هذه
الحرب، على قدر صعوبة هذه الحرب أنتم تملكون جيشاً عظيماً
ومشاركة روحية كبيرة لا تُقدر بثمن، فلتغتنموا هذه الفرصة، ستظهر
حروف التعويذة أمامكم لتحفظوها عن ظهر قلب، سيجلس كل فرد
منكم على أول حرف من اسمه، وستظهر الحروف أمامكم الآن،
ستشكلون نجمة، وستجلس ماريا في منتصف النجمة، العبرة دوماً
بالنهايات، تذكروا ذلك جيداً، لن يكون لكل ما مر قيمة.

اختفى صوت العجز، وبدأت الحروف تظهر، أخذ كل منهم موقعه،
ظهرت التعويذة ليبدأ كل منهم بحفظها.

بلقيس:

- أحمد، أنا حاسة إني هنساها، متواترة أوي.

— شش، احنا في امتحان مدرسة يا بلقيس! التعويذة دي هنردها
باروا حنا مش هنخش هنا احنا يا بنتي، ركزي كده بالله عليك، احنا نجمة
ولازم نكون روح واحدة، كلنا هنتأدي لو غلطت.

— انت كده بتورني أكتر بقى اسكت، يا ربى عليك! ياريتني ما طبـت
مساعدتك.

يرمقها أحمد بنظرة، وسرعان ما يعود بنظره على التعويذة ليكمل
حفظها، يبدأ حسن وأخواته بالدوران حولهم ليصنعوا جداراً حامياً
إلى حين أن ينتهيوا من التعويذة، وكان البشر من عالم روزا وروبن
وصلوا ومعهم مروة إليهم، ليكونوا سلسلة بشرية حولهم حسب
تعليمات مروة، تقدّمت مروة لتكون في الصف المحيط بالنجمة مباشرة:
— بس.. بلقيس، بت.

بلقيس تفتح عينيها قليلاً، لتلمح المتكلّم:

— إيه؟ مروة! يخربيت عقلك يا بت، انت طالعة بآلف شكل! جنتيني.
— مش مهم دلو قتي، هحكيلك كل حاجة بعد ما نخلص إن شاء الله،
المهم خليلك متأكدة إن عمري ما خونتك، ولا بعـتك، وإن أنا فخورة
بيك أوي، ولما نرجع هحكـي لكل الناس قد إيه انت شجاعة وإن انت
أجمل واحدة في الدنيا، لأ بصـي، أنا هحطـلك بوسترات في كل مكان.

أفلـلت دمعة من عيني بلقيـس وأمسـكت بيـدي مـروـة:

— ده أنا اللي هقول للعالم كله إن عندي أغلى واحدة في الدنيا، هقول إن تحويشة سنين عمرى في البشر جاتلي فيك.

في اللحظة دي بالذات، يمسك أحمد بيده بلقيس، ومن الجهة الأخرى يزيد، ليكون مؤنس هو رأس النجمة من جهة، وبلقيس من الجهة الأخرى، وتتوسطهم ماريا، يغمضون أعينهم ويرددون التعويذة لتبدأ أرواحهم في التحرر، فتكسر من قوتها الحاجز الذي صنعه حسن وأبخاتوس، ليترنح كلاهما ويسقطا أرضاً، وكلما تحررت أرواحهم بدأت المعركة تشتد، مضت ثلاثون دقيقة، تعادل ثلاثين عاماً، انحلت السلسلة البشرية من حولهم من هول طاقة الجن الذين يضربونهم، فأي طاقة بشر تلك التي ستتحمل ما يحدث! بقيت مروة وروزا وروبن يقاومون، حتى سقطت مروة وروبن، واعتمدت روزا على طاقتها، فأخذت تحاول تحرير روحها لتساندهم روحيهما، ولكنها تناست أنها استهلكت كل طاقتها - تقريباً - في فتح البوابة الزمنية لكل هؤلاء البشر، فسرعان ما فشلت وسقطت أرضاً.

بدأت قوى بلقيس في الانهيار، لتبدأ بدونوعي بإفلات يد أحمد ويزيد، ليعلو صوت أحمد بالتعويذة أكثر لعلها تفيق، ليلتفت الجميع حتى ماريا.

يصدر صوت عالٍ من العجوز:

— لا تتوقفوا مهما حدث، الحرب لا تزال مستمرة.

ليستسلم الجميع للواقع، وتقع بلقيس من بينهم دون أن تتحرك، مضت ساعة كاملة، ليسقط يزيد بجانب بلقيس، وتأتي شارة نجمة بيضاء فوقهم تعلن عن نهاية الحرب وفوز السلالة المختارة.

ينهض أحمد ومؤنس وماريا ببطء لينقذوا بلقيس ويزيد.

تفيق مروة وتهرون إليها:

- بلقيس، قومي بسرعة والنبي يلا، قومي انتوا فوزتوا والله، قومي حتى شوفي كده.

بدأت تضمها إليها وهي تبكي بصوت مرتفع:

- لا قومي بقى قومي، أنا مليش غيرك، هنعلق بوسترات في كل مكان و Henrikي لكل الناس عنك، قومي وردي عليا!

ليرتفع جسدها هي ويزيـد فجأة ويظهر العجوز بهيئته:

- تكريـماً لأرواحهم المقدسة وما بذـلاه لنـفـوز بهذهـالـحـرب، سـيدـفـنـانـ في مقابر ملكية خاصة بأبطال تلك السلالة ليعرف العالم أجمع من هم أبطال النصر لتلك الحرب التي لن تُنسى على مر التاريخ.

مروة:

- دفـنةـ إـيهـ وـمقـابـرـ إـيهـ! اـنتـ عـجـوزـ وـبـتـخـرـفـ، صـاحـبـتـيـ مـغـمـىـ عـلـيـهـاـ وـهـتـفـوـقـ، هيـ دـايـمـاـ كانـ بـيـحـصـلـهـاـ كـدـهـ فيـ الجـامـعـهـ وـالـلـهـ، هيـ...ـ وـقـبـلـ أـنـ تـكـمـلـ مـرـوـةـ نـحـيـبـهـاـ كـانـتـ بـوـاـبـةـ الـعـبـورـ الزـمـنـيـةـ قدـ فـتـحـتـ، وـتـمـ نـقـلـ جـمـيعـ الـبـشـرـ إـلـىـ مـنـازـلـهـمـ، وـتـلـاـشـىـ ذـلـكـ الـعـالـمـ مـنـ الـوـجـودـ، ليـبـقـىـ

مجرد أسطورة أو شريط فيديو مصوراً كسابقه، شاهداً على ما خلفته تلك المعركة لا أكثر، وترأثراً أثريأً للمختارين بعدهم.

* * *

أفاقت تالا لتجد نفسها على سريرها، ومؤنس إلى جانبها.
تالا:

- مؤنس، مؤنس انت رجعت! الحمد لله يا رب.

مؤنس بإلهاق وصوت متقطع:

- أنا.. أنا فين؟

- انت هنا في حضني يا حبيبي، احنا في بيتنا، ولا هطلب منك أروح
مصابيف تاني ولا نخرج ولا أي حاجة والله العظيم.

يتسنم مؤنس في رضا:

- طب لو كده، قومي اعملي الفطار بقى وكوباية عصير برقال.

- برقال تاني يا مؤنس! ما هو ده اللي ودانا في داهية.

تنهض من السرير بتائف، ليمسك مؤنس بيديها:

- طب امسحي الدم اللي على بوقك واغسلني وشك وعالجي الكدمات
دي ولمي شعرك كده والبسي عشان هنخرج نفتربرا.

- والله قولت أغلى ما لي ونور عينياً محدث صدقني.

* * *

الخاتمة

وأخيراً أشهد أنا حسن أن كل ما كتب في هذه المذكرة بيدي، وأنني قد سردت أحداث القصة كاملة،وها أنا أتظر دوري في الإعدام، لا تستغربوا، الجن أيضاً يُعدمون، ولديهم قوانين.

بعد أن قام أحد الجن السفلين بتنقييدي أنا وأبخاتوس أثناء المعركة، وسلم كل منا لطائفته المسؤولة عنه.

تم إعدام أبخاتوس في مقبرة اللعنة منذ يومين،وها قد حان دوري. لأسلم تلك المذكرة للحارس خلف البوابة وأنا أخطو خطواتي الأخيرة نحو مصيري المحتم، ولكن تغمرني السعادة لإحساسي بالنصر المعنوي وأنني لم أخُن ضميري، ولتأريخي لتلك المعركة وتشييد ذكرى أبطال تلك الحرب ومن كانوا سبباً في النصر.

أَتَمْنِي أَنْ أَكُونْ فَعَلْتْ مَا يُوَصِّلُنِي لِرُوحِ بَلْقَيْسِ لِأَخْبُرُهَا بِأَنِّي مَا زَلْتُ أَحْبَهَا، وَلَا تَأْكُدُ إِنْ كَانَتْ قَدْ سَامَحْتَنِي عَلَى أَنِّي أَقْحَمْتَهَا مِنْذِ الْبَدَائِيَّةِ فِي كُلِّ ذَلِكَ.

أَعْلَمُ أَنَّهَا مُؤْمِنَةٌ أَنْ لَكُلِّ مَنَا قَدْرُهِ وَيَجِبُ أَنْ يَرَاهُ، وَلَكِنْ "لَكُلِّ قَدْرِ مُسَبِّبَاتِ".

وَأَخِيرًا كُنْ عَلَى ثَقَةٍ أَنْ عَالَمَ السَّمَعِيَّاتِ حَقِيقَةٌ، وَقَدْ تَكُونُ أَنْتَ يَوْمًا مِنَ السَّلَالَةِ الْمُخْتَارَةِ، لَا تَكَذِّبْ خَبْرًا وَكُنْ عَلَى اسْتِعْدَادٍ تَامٍ.

إِمْضَاء:

رَئِيسُ خَدْمِ مَلِكِ الْجِنِّ الْمَارِدِ، الْحَارِسُ رَقْمُ أَرْبَعَةٍ، وَحَسْنُ حَالِيًّا.

بِتَارِيخٍ: ٢٠٢١ / ٨ / ٣١

